


内閣文庫	
番號漢	5060
册數	40 (1)
函號	281 5

281-5



第一本

一之四
凡四卷

凡六十葉

一 高祖皇帝 淵

二 太宗皇帝 世民

三 高宗皇帝 治

四 則天順聖武皇后 聖

中宗皇帝 顯


進新唐書表

魏州臨邑縣人
氏謝嗣備甫

臣公亮言竊惟唐有天下幾三百年其君臣行事之始終所以治亂興衰之蹟與其典章制度之英宜其粲然著在簡冊而紀次無法詳略失中文采不明事實零落益又百有五十年然後得以發揮幽沫補緝闕亡黜正偽繆克備一家之史以為萬世之傳成之至難理若有待臣公亮誠惶誠恐頓首頓首伏惟體天法道欽文聰武聖神奉德皇帝陛下有虞舜之智而好問躬大禹之聖而克勤天下和平民物安樂而猶

垂心積精以求治要日與鴻生舊學講誦六經

考覽前古以謂商引以來為國長久惟漢與唐而不幸接乎五代衰世之士氣力短言淺意隘不足以起其文而使明君賢臣雋



581-2

功偉烈與夫昏虐賊亂禍根罪首皆不得暴其善惡以動人耳目
誠不可以垂勸戒示大遠甚可歎也乃因邇臣之有言適契
上心之所閱於是刊附官翰林學士兼龍圖閣學士給事中知制
誥臣歐陽脩端明殿學士兼翰林侍讀學士龍圖閣學士尚書吏
部侍郎臣宋祁與編脩官禮部郎中知制誥臣范鎮刑部郎中知
制誥臣王疇太常博士集賢校理臣宋敏求祕書丞臣呂夏卿著
作佐郎臣劉義叟等竝膺儒學之選悉發祕府之藏俾之討論共
加刪定凡十有七年成二百二十五卷其事則增於前其文則省
於舊至於名篇著目有革有因立傳紀實或增或損義類凡例皆
有據依纖悉綱條具載別錄臣公亮與司事領徒費日月誠不足
以成大典稱

明詔無任慙懼戰汗屏營之至 臣公亮誠惶誠懼頓首頓首謹言

嘉祐五年六月 日提舉編脩惟忠佐理功臣正奉大夫尚書禮

部侍郎參知政事臣曾公亮上表

唐書目錄

本紀十卷

志五十卷

表十五卷

列傳一百五十卷

本紀

第一卷

第一本

高祖皇帝

淵

武德九年
凡九首
元年即隋

第二卷

太宗皇帝

世民

貞觀二十三年
凡二十三首

第三卷

高宗皇帝

治

永徽六年
凡二首

顯慶五年
凡四首

龍朔三年
凡三首

麟德二年
凡二首

乾封二年

第四卷

則天順聖武皇后 嬰

中宗皇帝 顯

第五卷 第二本

睿宗皇帝 旦

玄宗皇帝 隆基

第六卷

肅宗皇帝 亨

代宗皇帝 豫

第七卷

德宗皇帝 适

順宗皇帝 誦

憲宗皇帝 純

第八卷

穆宗皇帝 恒

敬宗皇帝 湛

文宗皇帝 昂

武宗皇帝 炎

宣宗皇帝 忱

第九卷

懿宗皇帝 漼

僖宗皇帝 儼

第十卷

昭宗皇帝 曄

志

哀皇帝 祝

第一卷

禮樂一

第三卷
十一卷

第二卷

禮樂二

第三卷

禮樂三

第四卷

禮樂四

第五卷

禮樂五

第六卷

禮樂六

第七卷

禮樂七

第八卷

禮樂八

第九卷

禮樂九

第十卷

禮樂十

第十一卷

禮樂十一

禮樂十一

第十二卷

禮樂十一

第十三卷上

儀衛上

第十三卷下

儀衛下

第十四卷

車服

第十五卷

曆一

第十六卷

曆二

第十七卷上

曆三上

第十七卷下

曆三下

第十八卷上

曆四上

第十八卷下

曆四下

第十九卷

曆五

第二十卷上

曆六上

第二十卷下

曆六下

第二十一卷

天文一

第二十二卷

天文二

第二十三卷

第七本
三十三卷

天文三

第二十四卷

三十四卷

五行一

第二十五卷

五行二

第二十六卷

五行三

第二十七卷

地理一

第二十八卷

地理二

第二十九卷

地理三

第三十卷

地理四

第三十一卷

地理五

第三十二卷

地理六

第三十三卷上

地理七上

第三十三卷下

地理七下

第三十四卷

選舉上

第三十五卷

選舉下

第三十六卷

百官一

早六卷

第三十七卷

百官二

第九本
四七卷

第三十八卷

百官三

第三十九卷上

百官四上

第三十九卷下

百官四下

第四十卷

兵

第四十一卷

食貨一

第四十二卷

食貨二

第四十三卷

食貨三

第四十四卷

食貨四

第四十五卷

食貨五

第四十六卷

刑法

第四十七卷

藝文一

卷五十三

第十本

表

第四十八卷

藝文二

第四十九卷

藝文三

第五十卷

藝文四

第一卷

宰相上

第二卷

宰相中

第三卷

宰相下

宰相下

第四卷

方鎮一

第五卷

方鎮二

第六卷

方鎮三

第七卷

方鎮四

第八卷

方鎮五

第九卷

方鎮六

第十卷上

宗室世系上

第十卷下

宗室世系下

第十一卷上

宰相世系一上

第十一卷下

宰相世系一下

第十二卷上

宰相世系二上

第十二卷中

宰相世系二中

第十二卷下

宰相世系二下

第十三卷上

宰相世系三上

第十三卷下

宰相世系三下

第十四卷上

宰相世系四上

第十四卷下

宰相世系四下

第十五卷上

宰相世系五上
第十五卷下 第十八本
十五卷下
宰相世系五下

列傳

第一卷 七十六卷

后妃上

太穆竇皇后

徐賢妃

則天武皇后

章皇后 上官昭容

昭成竇皇后

貞順武皇后

文德長孫皇后

王皇后

和思趙皇后

肅明劉皇后

王皇后

元獻楊皇后

楊貴妃

第二卷

七十七卷

后妃下

張皇后

貞懿獨孤皇后

昭德王皇后

韋賢妃

懿安郭太后

恭僖王太后

宣懿韋太后

尚恭宋若昭

王賢妃

惠安王太后

恭憲王太后

章敬吳皇后

睿真沈皇后

莊憲王皇后

季明鄭太后

貞獻蕭太后

郭貴妃

元昭晁太后

郭淑妃

何皇后

第三卷

七十八卷

宗室

江夏王道宗

廣寧縣公道興

淮陽王道玄

漢

長平王叔良

郿國公季協新興郡王晉

長樂王幼良

彭國公思訓

河間王季恭

晦

廬江王瑗

淮安王神通

膠東王道彥高說

襄邑王神符

從晦

渤海王奉慈

戡

永安王季基

涵

襄武王琛

漢陽王瓌

梁郡公季逸

國貞復

隴西公博叉

第四卷

第七十九卷

高祖二十二子

隱太子建成

巢王元吉

荆王元景

鄴王元亨

徐王元禮

彭王元則

霍王元軌

道王元慶

舒王元名

江王元祥

滕王元嬰

衛王玄霸

楚王智雲

漢王元昌

周王元方

韓王元嘉黃公讓

鄭王元懿

虢王鳳

鄧王元裕

魯王靈夔

密王元曉

第五卷 八十卷

太宗九王

常山王承乾

鬱林王恪

成王千里 趙國公桓

吳王暕 嗣吳王

信安王禕 嗣吳王燾

濮王泰

庶人祐

蜀王愔

蔣王暉之芳

越王貞

琅琊王沖

紀王慎義陽王琮

曹王明

嗣曹王臯 象古 道石

第六卷 八十一卷

三宗諸子

燕王忠

澤王上金

許王素節褒信王穆

孝敬皇帝弘裴居道

章懷太子賢 邠王守禮 廣武王承宏

懿德太子重潤 墩王承家

節愍太子重俊

惠莊太子撝

惠宣太子業 嗣薛王知柔

譙王重福

讓皇帝憲 汝陽王璿 漢中王珣 景儉

惠文太子範 嗣岐王珍

第七卷 八十一卷

十一宗諸子

奉天皇帝琮

棣王琰

靖恭太子琬

穎王璵

壽王瑁

太子瑛

鄂王瑤

光王琚

永王璘

延王玢

盛王琦

汴王璿 以上玄宗

承天皇帝倓

襄王儁 嗣王媪

昭靖太子邈

舒王誼 以上代宗

虔王諒

文敬太子諲

惠昭太子寧

絳王悟

懷懿太子湊

悼懷太子普

豐王珙

越王係

彭王儼

恭懿太子侶 以上

睦王述

通王謚

肅王詳

郟王經 以上德宗

澧王暉

建王恪 以上憲宗

安王溶 以上穆宗

陳王成美 以上敬宗

莊恪太子永 以上文宗

吉王保 以上懿宗

通王滋 以上宣宗

德王裕 以上昭宗

第八卷 十三卷

諸帝公主

世祖一女

高祖十九女

太宗二十一女

高宗三女

中宗八女

睿宗十一女

玄宗二十九女

肅宗七女

代宗十八女

德宗十一女

順宗十一女

憲宗十八女

穆宗八女

敬宗三女

文宗四女

武宗七女

宣宗十一女

懿宗八女

僖宗二女

昭宗十一女

第九卷 十四卷

李密 單雄信 祖君彥

第十卷 十五卷

王世充

竇建德

第十一卷 十六卷

薛舉 仁果

李軌

劉武周

高開道

劉黑闥 徐圓朗

第十二卷 十七卷

蕭銑

輔公祏

沈法興

李子通

朱榮 林士弘 張善安

梁師都

劉季真

第十三卷 八十八卷

劉文靜

裴寂

趙文恪 李思行 李高遷 姜寶誼 許世緒 劉師立 劉義節

錢九隴 樊興 公孫武達 龐卿憚 張長慈 張平高 李安遠

馬三寶 李孟嘗 元仲文 泰行師

第十四卷 八十九卷

屈突通

尉遲敬德

張公謹

大女

秦瓊

唐儉

憲次扶 持彥謙

段志玄

文昌 成式

第十五卷 九十卷

劉弘基

殷開山

劉政會

奇 崇望 崇龜 崇魯

許紹

國師 欽明

欽寂

程知節

柴紹

任瓌

丘和

行恭

第十六卷 九十一卷

溫大雅

彥博 大有 信 造 璋 廷筠 廷皓

皇甫無逸

李襲志

襲譽

姜謩

行本 皎 慶初 晦

崔善為

李嗣真

第十七卷 九十二卷

杜伏威

闕 稜 王雄 誕

張士貴

李子和

苑君璋

羅藝

王君廓

第十八卷 九十三卷

李靖容師 今問

李勣敬業 思文

第十九卷 九十四卷

侯君集

張亮

薛萬均萬徹 劉世讓

萬備

盛彥師

盧祖尚

第二十卷 九十五卷

高儉履行 真行

竇威軌 誕

琮

抗

靜

第二十一卷 九十六卷

房玄齡遺愛

杜如晦楚客 審權

淹

讓

能

第二十二卷 九十七卷

魏徵暮

第二十三卷 九十八卷

王珪肅

薛收元超 稷

元敬

伯陽

馬周載

韋挺

侍價 武 馬石

第二十四卷 九十九卷

李綱安仁 安靜

李大亮

道裕 迥秀

戴胄至德

劉洎

樂彥遠

崔仁師澄 浹

第二十五卷 百卷

陳叔達

楊恭仁

思訓 師道 執柔

封倫

裴矩

宇文士及

鄭善果

元壽 立本

權萬紀懷恩

閻立德

岳子

蔣儼

韋弘機

姜師度強循

張知謩

第二十六卷 百一卷

蕭瑀鈞 嗣業 高華 復定

第二十七卷 百二卷

岑文本義 格輔元 長倩 虞世南

李百藥安期 褚亮劉季孫 李玄道

姚思廉瑋 令狐德棻頤 鄧世隆 李延壽

第二十八卷 百三卷

蘇世長良嗣 韋雲起方質

孫伏伽 張玄素

第二十九卷 百四卷

于志寧休烈 高季輔

張行成昌宗

第三十卷 百五卷

長孫无忌敬 褚遂良繆

韓瑗 來濟恒

李義琰巢 上官儀

第三十一卷 百六卷

杜正倫求仁 崔知溫知悌

高智周石仲覽 郭正一

趙弘智來章 崔敦禮

楊弘禮弘武 元禧 盧承慶齊卿

劉祥道齊賢 李敬玄元素

劉德威審禮 孫處約佺

邢文偉高子賢

第三十二卷 頁七卷

傅奕

呂才 方毅

陳子昂 王無兢 趙元

第三十三卷 頁卷

劉仁軌

裴行儉 光廷 均

婁師德

第三十四卷 百九卷

崔義玄 神基 神慶

楊再思 季昭

竇懷貞 兢

宗楚客 晉卿 紀處訥

祝欽明 郭山輝

王與

第三十五卷 百十卷

諸夷蕃將

史大奈

馮益 智戴 子猷

阿史那社余 忠

執失思力

契苾何力 明

黑齒常之

李謹行

泉男生 獻誠

李多祚 李湛

論弓仁 惟貞

尉遲勝

尚可孤

裴玢

第三十六卷 百十一卷 皆名將

郭季恪

張儉 延師

王方翼 珣

蘇定方

薛仁貴 訥 平

程務挺

王季傑

唐休璟

張仁愿 張敬忠

王峻

第三十七卷 百十二卷

王義方

負半千 石抱忠

韓思彥 琬

蘇安恒

薛登

王求禮

柳澤 範

馮元常 元成

蔣欽緒 清

第三十八卷 百十三卷

唐臨 皎

張文瓘 文琮 錫

徐有功 商 彦若

第三十九卷 百十四卷

崔融 從 能 慎由

徐彥伯

蘇味道

豆盧欽望 史務滋 崔元綜

第四十卷 百十五卷

狄仁傑 光嗣 兼謨

郝處俊 象賢

朱敬則 仁軌

第四十一卷 百十六卷

王綝 甫 遂

韋思謙 承慶 嗣立 恒

陸元方 象先 景衡 景融 希聲 餘慶 樂

王及善

李日知

杜景佺

李懷遠 景伯 彭年

第四十二卷 百十七卷

裴炎 伯先

劉禕之 郭翰

魏玄同 恬

李昭德

吉頊

第四十三卷 百八卷

張廷珪

韋湊 見素 諤 顓 知人

韓思復 朝宗 欽

宋務光 呂元泰

辛替否

李渤

裴潏 張皐

李中敏 李款 李甘

第四十四卷 百十九卷

武平一

李义

賈曾 至

白居易 行簡 敏中

第四十五卷 百廿卷

桓彥範 盧襲秀 薛季昶 仲昌

敬暉

崔玄暉 渙 縱 暉

張柬之

袁恕已 高

第四十六卷 百廿七卷

劉幽求

鍾紹京

崔日用 日知

王琚 張韓

王毛仲 李守德 陳玄禮

第四十七卷 百三十三卷

魏元忠

韋安石 阮 抗 叔夏

郭震 字元振

第四十八卷 百三十三卷

李嶠

蕭至忠

盧藏用

韋巨源

趙彥昭 和逢堯

第四十九卷

第廿五本
百二十四卷

姚崇

奕

合

宋璟

渾

第五十卷

百二十五卷

蘇瓌

頊

幹

張說

均

第五十一卷

百二十六卷

魏知古

盧懷慎

奂

李元紘

杜暹

鴻漸

張九齡

拯

仲方

韓休

洪

澗

第五十二卷

百二十七卷

張嘉貞

延賞

弘靖

文規

源乾曜

光裕

甫

裴耀卿

估

第五十三卷

百二十八卷

蘇珣

晉

尹思貞

畢構

棟

李傑

鄭惟忠

王志愔

許景先

潘好禮

倪若水

席豫

齊澣

抗

第五十四卷

百二十九卷

裴守真

子餘

行立

崔沔

盧從愿

李朝隱

王丘

嚴挺之

武

綬

第五十五卷

百三十卷

裴濯

寬

誦

陽嶠

宋慶禮

崔隱甫

解琬

楊瑒

李尚隱

第五十六卷

百三十一卷

宗室宰相

李適之

李峴

李勉

李夷簡

李程廓

李石福

李回

第五十七卷

第廿六本
百三十二卷

劉子玄贊

既滋敦儒
遜秩迅

吳兢

韋述

蔣乂係曙
伸借

柳芳登

見琳

沈既濟

傳師
詢

第五十八卷

百三十三卷

郭虔瓘

郭知運

英傑
英又

王君奭

張守珪

獻誠
照

王忠嗣

牛仙客

獻恭
獻甫

第五十九卷

百三十四卷

宇文融

韋堅

楊慎矜

王鉷

盧鉉

第六十卷

百三十五卷

哥舒翰曜

高仙芝

封常清

第六十一卷

百三十六卷

李光弼彙 張伯儀 白元光 陳利貞 侯仲莊 柏良器 烏承世

第六十二卷 百三十七卷

郭子儀耀 郭承嘏 郭承嘏 幼明 昕劍

第六十三卷 百三十六卷

李嗣業 馬璘

李抱玉 路嗣恭應

第六十四卷 百三十九卷

房瑄儒復 張鎬

李泌繁

第六十五卷 百四十一卷

崔圓 苗晉卿

裴冕 裴遵慶向

呂諲

第六十六卷 百四十二卷

崔光遠 鄧景山崔瓘

魏少游 衛伯玉

李澄克寧 韓全義

盧從史 高霞寓

第六十七卷 百四十三卷

李麟 楊綰

崔祐甫植 柳渾識

韋處厚 路隋

第六十八卷 百四十三卷

高適 元結

李承

韋倫

薛珏 晉慶

崔漢衡

戴叔倫

王翊 正雅

徐申

郝士美

辛祕

第六十九卷

百四十四卷

來瑱 裴茂

田神功 神王

侯希逸

崔寧 美

嚴礪

第七十卷

百四十五卷

元載 卓英麟 李少良

王縉 黎幹

楊炎 廣準

嚴郢

竇參 申 吳通玄

第七十一卷

百四十六卷

李栖筠 吉甫 德修

李鄘 發

第七十二卷

百四十七卷

王思禮

魯奘

王難得 用

辛雲京 京杲

馮河清 姚況

李芄

李叔明 昇

曲環

王虔休

盧群

李元素

盧士玫

第七十三卷

百四十八卷

令狐彰 建通

張季忠 茂宗 裴夷直

陳楚 茂昭

康日知 志睦 承訓

劉澹

王承元

史孝章

第七十四卷

百四十九卷

劉晏 濛 暹 滄

包佶 盧徵 李若初 元秀 于頔

第五琦

王紹

第七十五卷

百五十卷

李揆

趙憬

齊映

李洧

田弘正 布 卒

牛元翼 傳良 弼 李元 聚

第七十四卷

劉晏 濛 暹 滄

包佶 盧徵 李若初 元秀 于頔

第五琦

王紹

第七十五卷

百五十卷

李揆

趙憬

齊映

班宏

李巽

常袞

崔造

盧邁

第七十六卷

百五十一卷

關播 李元年

袁滋

竇易直

第七十七卷

百五十二卷

張鎰

武元衡 儒衡

宋申錫

第七十八卷

百五十三卷

段秀實 伯倫 崑 文楚

第七十九卷

百五十四卷

李晟 愿 憲 王必

董晉 溪 劉全諒 陸長源

趙宗儒

姜公輔

李絳 璋

顏真卿

劉海賓

文楚

劉海賓

文楚

文楚

文楚

第八十卷

百五十五卷

馬燧暢

渾瑊鎬

第八十一卷

百五十六卷

楊朝晟

戴休顏

陽惠元曼

李元諒

李觀

韓游瓌

杜希全

邢君牙

第八十二卷

百五十七卷

陸贄

第八十三卷

百五十八卷

韋臯津關

張建封情

嚴震謨

韓弘公武

第八十四卷

百五十九卷

鮑防

李自良

蕭昕

薛播

樊澤宗師

王緯

吳湊士矩

鄭權

陸亘

盧坦閻濟美

柳晟

崔戎雍

第八十五卷

百六十卷

徐浩

呂渭溫

孟簡

劉伯芻寬夫

楊憑敬之

潘孟陽

崔元略元鉉

韋綬

元式

沉崔龜從

第八十六卷

張薦讀

李紆

徐岱

馮伉

第八十七卷

姚南仲

顧少連

段平仲

許孟容季同

李遜方玄建

第八十八卷

趙涓博宣

鄭雲達

王仲舒

庾敬休

獨孤及朗

章夏卿壠

呂元膺

薛存誠廷老

孔巢父殘

崔邠鄆

楊於陵

第八十九卷

歸崇敬登

崔衍

薛萃膺

薛戎放

丁公著

崔玄亮

殷侗盈孫

穆寧贊

柳公綽仲郢

馬總

第九十卷

奚陟

盧景亮王源中

衛次公洙

胡証

崔弘禮

王質

王彥威

第九十卷

百六十五卷

鄭餘慶解從謙處誨

高郢定

權德輿璩

第九十一卷 百六十六卷

賈耽

令狐楚綯

第九十二卷 百六十七卷

白志貞

崔損

李齊運

皇甫鑄鏞

第九十三卷 百六十八卷

鄭珣朗裔

鄭綱顯

崔群

百六十六卷

杜佑式方惛休

令狐楚綯

百六十七卷

裴延齡

韋渌牟

李實

王播起龜

章執誼

陸質

柳宗元

第九十四卷 百六十九卷

杜黃裳勝

李藩

第九十五卷 第三十一本 卷百七十

高崇文承簡

朱忠亮

范希朝

孟元陽

劉昌士溼

王叔文王任陳諫

劉禹錫

程异

裴均

韋貫之溫綬蕭祐

伊慎

劉昌裔

王鏐稷

王栖曜茂元

趙昌

李景略

張萬福

第九十六卷

李光進光顏

王沛逢

曹華

劉沔

第九十七卷

于頔季友

杜兼燕中立

范傳正

第九十八卷

任迪簡

高固郝玘野詩良輔史敬奉

卷百七十一

烏重胤石洪李珙

楊元卿延宗

高瑀

石雄

卷百七十二

王智興晏平宰

杜亞

卷百七十三

裴度識

第九十九卷

李逢吉

牛僧孺蔚叢

楊嗣復授損

第一百卷

竇群常一季

張又新

張宿

柏蒼

第一百一卷

韓愈孟郊盧全

卷百七十四

徽

哭

卷百七十五

劉栖楚

楊虞卿漢公汝士

熊望

卷百七十六

張籍皇甫湜

賈島

劉叉

第一百二卷

卷百七十七

錢徽

崔咸

韋表微

高欽

馮宿

李虞仲

李翱

盧簡辭

高元裕

封敖

鄭薰

敬晦

韋博

李景讓

第一百三卷

第三十二本
卷百七十八

劉蕡

第一百四卷

卷百七十九

李訓

鄭注

王涯

賈餗

舒元興

王璠

第一百五卷

卷百八十

李德裕

延右
丁柔立

第一百六卷

卷百八十一

陳夷行

李紳

李讓夷

曹確

劉瞻

李蔚

第一百七卷

卷百八十二

李固言

李珣

崔珙

蕭鄴

鄭肅

盧鈞

韋琮

周輝

裴休

劉瑑

趙隱

裴坦

鄭延昌

王溥

盧光啓

韋貽範

第一百八卷

卷百八十三

畢誠

崔彥昭

劉鄴

豆盧瑑

陸宸

鄭縈

朱朴

絲儼

韓偓

儀

第一百九卷

卷百八十四

馬植

楊收

涉巖

路巖

韋保衡

盧攜

第一百十卷

卷百八十五

鄭畋

王鐸

錄

王徽

韋昭度

張濬

第一百十一卷

第三十三本
卷百八十六

周寶

王處存

郜

鄧處訥

雷滿

陳儒

劉巨容

馮行襲

趙德諲

巨凝

楊守亮

楊晟

顧彥朗

彥暉

第一百十二卷

卷百八十七

馬書目錄

三

忠義 孝友 循吏 文藝 烈女 宦者 藩鎮 姦臣 逆臣 凡十七種
 卓行 隱逸 儒學 方技 外戚 酷吏 外國 叛臣

王重榮 珂

李罕之

孟方立 遷

第一百十三卷

卷百八十八

楊行密

朱宣

第一百十四卷

卷百八十九

高仁厚

田頽

第一百十五卷

卷百九十

劉建鋒

杜洪

諸葛爽

王敬武 師範

時溥

孫儒

趙犖 祖

朱延壽

成汭

鍾傳

劉漢宏

王潮 審邽

第一百十六卷

卷百九十一

忠義上

夏侯端

常達

呂子臧 馬元規

羅士信

李育德 李公逸 張善相

安金藏

吳保安

盧奕 元輔

張雄

劉知謙 盧光稠

劉感

敬君弘 謝叔方

王行敏 盧士叡 李玄通

張道源 楚金

高叡 仲舒

王同皎 周景

李燈 源

張介然 崔無諛

第一百十七卷

卷百九十二

忠義中

顏杲卿 春卿

張巡

賈循 隱林

許遠 南齊雲 姚間 雷萬春

第一百十八卷

第三十四本
卷百九十三

忠義下

程千里 袁光廷

張興

龐堅 薛恩

蔡廷玉

符令奇 璠

孟華

劉迺

張仵

周曾

石演芬

張名振

吳澈

高沐

賈直言

辛讜

黃碣 孫煥

第一百十九卷

卷百九十四

卓行

元德秀 李萼

權臯

甄濟

陽城 何蕃

司空圖

第一百二十卷

卷百九十五

季友

李知本

張志寬

劉君良

王少玄

任敬臣

支叔才

程表師

武弘度

宋思禮

鄭潛曜

元讓

裴敬彝

梁文貞

沈季詮

許伯會

陳集原

陸南金

張琇

侯知道

程俱羅

許法慎

林攢

陳饒奴

王博武

萬敬儒

章全益

第一百二十一卷

卷百九十六

隱逸

王績

朱桃椎

孫思邈

田游巖

史德義

孟詵

王友貞

王希夷

李元愷

衛大經

武攸緒

白履忠

盧鴻

吳筠

潘師正
司馬承禎

劉道合

賀知章

秦系

張志和

孔述睿

敏行

陸羽

崔覲

陸龜蒙

第一百二十二卷

卷百九十七

循吏

韋仁壽

陳君賓

張允濟 李桐客

李素立 至遠 畬

薛大鼎 克構

賈敦頤 敦實 楊德幹

田仁會 歸道

裴懷古

韋景駿

李惠登

羅珣 讓

韋丹 由

盧弘宣

薛元賞

何易于

第一百二十三卷 卷百九十八

儒學上

徐文遠

陸德明

曹憲

顏師古 相時 游秦

孔穎達 王恭 馬嘉運

歐陽詢 通

朱子奢

張士衡 賈大隱

張後胤

蓋文達 文懿

谷那律 從政

蕭德言 許叔牙 子儒

敬播 劉伯莊 秦景通 劉訥言

羅道悰

第一百二十四卷 卷百九十九

儒學中

郎餘令 餘慶

徐齊聃 堅 嶠

沈伯儀

路敬淳 敬潛

王元感

王紹宗

彭景直

盧粲

尹知章

張齊賢

柳沖

馬懷素

殷踐猷

孔若思

季詡

第一百二十五卷

第三十五本
卷二百

儒學下

褚无量

余安貞

元行沖

陳貞節

施敬本

盧履冰

王仲丘

康子元

侯行果

趙冬曦

尹愔

陸堅

啖助

韋彤

陳京

暢當

林蘊

韋公肅

許康佐

第一百二十六卷

卷二百一

文藝上

袁朗

利貞

承序

賀德仁

庾抱

蔡允恭

謝偃

崔信明

鄭世翼

劉延祐

藏器

張昌齡

崔行功

銑

杜審言

易簡

王勃

盧照隣

助

楊炯

元萬頃

正

范履冰

義方

周思茂

胡楚賓

第一百二十七卷

卷二百二

文藝中

李適

韋元旦

宋之問

劉允濟

沈佺期

尹元凱

高嘉謨

劉憲

李邕

呂尚

王翰

遜遜成簡

李白張旭

王維

鄭虔

蕭穎士存柳并

蘇源明梁肅

陸據皇甫舟

第一百二十八卷

卷二百三

文藝下

李華翰觀

孟浩然王昌齡崔顥

劉太真

邵說

于邵

崔元翰

于公異

李益

盧綸

歐陽詹和

李賀

吳武陵

李商隱

薛逢

李頻

吳融

第一百二十九卷

卷二百四

方技

李淳風

甄權許胤宗張文仲

袁天綱客師金梁鳳

張景藏乙弗弘禮

薛頤葉法善

明崇儼

尚獻甫

嚴善思

杜生

張果邢和璞羅思遠
師夜光

姜撫

桑道茂

第一百三十卷

卷二百五

烈女

李德武妻裴淑英

楊慶妻王

房玄齡妻盧

獨孤師仁姆王蘭英

楊三安妻李

樊會仁母敬

衛季女無忌

鄭義宗妻盧

劉寂妻夏侯碎金

于敏直妻張

楚王靈龜妃上官

楊紹宗妻王

賈季女

李氏妻王阿足

樊彥琛妻魏

李畬母

汴女李

崔繪妻盧

堅貞節婦李

符鳳妻玉英

高叡妻秦

王綝妻韋

盧惟清妻徐

饒娥

竇伯女仲女

盧甫妻李

鄒侍徵妻薄

金節婦

高愍女

楊烈婦

賈直言妻董

李季女妙法

李湍妻

董昌齡母楊

王季女和子

段居貞妻謝

楊舍妻蕭

韋雍妻蕭

衡方厚妻程

鄭季女

李廷節妻崔

殷保晦妻封絢

竇烈婦

李拯妻盧

山陽女趙

周迪妻

朱延壽妻王

第一百三十一卷

卷二百六

外戚

獨孤懷恩

武士護

士稜

上逸

承嗣

韋温

王仁皎

守一

楊國忠

李儵

鄭光

第一百三十二卷

卷二百七

宦者上

楊思勗

高力士

程元振

駱奉先

魚朝恩

竇文場

霍山陽

劉貞亮

吐突承璀

馬存亮

嚴遵美

仇士良

楊復光

第一百三十三卷

卷二百八

宦者下

李輔國

王守澄

劉克明

田令孜

楊復恭

劉季述

韓全誨

張彥弘

第一百三十四卷

卷二百九

酷吏

索元禮

來俊臣

來子喻

尉興

侯思止

王弘義

郭弘霸

姚紹之

周利貞

王旭

吉温 羅希夷

崔器

毛若虛

敬羽

第一百三十五卷

卷二百十

藩鎮魏博

田承嗣 悅懷諫

緒季安

史憲誠

何進滔 弘敬

全幹 韓允中 樂彥禎

羅弘信 紹威

第一百三十六卷

卷二百十一

藩鎮鎮冀

李寶臣 惟岳

王武俊 承宗

王廷湊 元達 景崇

紹鼎 紹懿

第一百三十七卷

卷二百十二

藩鎮盧龍

李懷仙

朱滔

劉忬 濟

朱克融

李載義 揚志誠 史元忠

張仲武 直方

張允伸 張公素

李茂勳 可舉

李全忠 匡威 匡籌

劉仁恭

第一百三十八卷

卷二百十三

藩鎮淄青橫海

李正已 師道

程日華 懷直

李全略 同捷

程日華 懷直

第一百三十九卷

卷二百十四

藩鎮宣武彰義澤潞

劉玄佐 鄧惟恭

吳少誠 少陽 李祐

元膺

劉悟從諫
李師晦
李不
李佐之

第一百四十四卷上
卷二百十五上

突厥上

第一百四十四卷下
卷二百十五下

突厥下

第一百四十一卷上
卷二百十六上

吐蕃上

第一百四十一卷下
卷二百十六下

吐蕃下

第一百四十二卷上
卷二百十七上

回鶻上

第一百四十二卷下
卷二百十七下

回鶻下

第一百四十三卷
卷二百十八

沙陀

第一百四十四卷
卷二百十九

北狄

契丹

奚

室韋

黑水靺鞨

渤海

第一百四十五卷
卷二百十九本
卷二百二十

東夷

高麗

百濟

新羅

日本

流鬼

第一百四十六卷上

卷二百二十二上

西域上

泥婆羅

党項

東女

高昌

吐谷渾

焉耆

龜茲跋祿迦

疏勒

于闐

天竺

摩揭陀

罽賓

第一百四十六卷下

卷二百二十二下

西域下

康

寧遠

大勃律

吐火羅

謝颺

識匿

箇失密

骨咄

蘇毗

師子

波斯

拂菻

大食

第一百四十七卷上

卷二百二十三上

南蠻上

南詔上

第一百四十七卷中

卷二百二十三中

南蠻中

南詔下

蒙馬詔 越析詔 施浪詔

越析詔 施浪詔

辰亨詔

第一百四十七卷下

卷二百三十二下

南蠻下

環王

盤盤

扶南

真臘

訶陵

役和

瞻博

室利佛逝

名蔑

單單

驃

兩爨蠻

南平獠

西原蠻

第一百四十八卷上

第四十本
卷二百二十三上

姦臣上

許敬宗

李義府

傅游藝

李林甫

陳希烈

第一百四十八卷下

卷二百二十三下

姦臣下

盧杞

崔胤

崔昭緯

柳璨 將玄暉
氏叔琮 張延範
朱友恭

第一百四十九卷上

卷二百二十四上

叛臣上

僕固懷恩

周智光

梁崇義

李懷光

陳少游

李錡

第一百四十九卷下

卷二百二十四下

叛臣下

李忠臣

高駢

王行瑜

李巨川

第一百五十五卷上

卷二百二十五上

逆臣上

安祿山

慶緒
孫李璣

高尚

史思明

朝義

第一百五十五卷中

卷二百二十五中

逆臣中

李希烈

朱泚

第一百五十五卷下

卷二百二十五下

逆臣下

黃巢

秦宗權

董昌

本紀第一

唐書一

高祖神堯大聖大光孝皇帝諱淵字叔德姓李氏隴西成紀人也其七世祖暹當晉末據秦涼以自王是為涼武昭王暹生歆歆為沮渠蒙遜所滅歆生重耳魏弘農太守重耳生熙金門鎮將戍於武川因留家焉熙生天賜為幢主天賜生虎西魏時賜姓大野氏官至太尉與李弼等八人佐周伐魏有功皆為柱國號八柱國家周閔帝受魏禪虎已卒乃追錄其功封唐國公諡曰襄襄公生昞襲封唐公隋安州總管柱國大將軍卒諡曰仁仁公生高祖於長安體有三乳性寬仁襲封唐公隋文帝獨孤皇后高祖之從母也以故文帝與高祖相親愛文帝相周復高祖姓李氏以為千牛備身事隋譙隴三州刺史大業中歷岐州刺史滎陽樓煩二郡太守召為殿內少監衛尉少卿煬帝征遼東遣高祖督運糧於懷遠鎮

高祖

隋大業中

煬帝征遼東

楊玄感將及其兄弟從征遼者皆逃歸高祖先覺以聞煬帝遽班師以高祖為弘化留守以禦玄感詔關右諸郡兵皆受高祖節度是時隋政荒天下大亂煬帝多以猜忌殺戮大臣嘗以事召高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖聞之益懼因縱酒納賂以自晦十一年拜山西河東慰撫大使擊龍門賊馬端兒射七十發皆中賊敗去而斂其尸以築京觀盡得其箭於其尸又擊絳州賊柴保昌降其眾數萬人突厥犯塞高祖與馬邑太守王仁恭擊之隋兵少不敵高祖選精騎二萬為游軍居處飲食隨水草如突厥而射獵馳騁示以閒暇別選善射者伏為奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒於西河破之是時煬帝南遊江都天下盜起高祖子世民知隋必亡陰

結豪傑招納亡命與晉陽令劉文靜謀舉大事計已決而高祖未之知欲以情告懼不見聽高祖留守太原領晉陽宮監而所善客裴寂為副監世民陰與寂謀寂因選晉陽宮人私事高祖高祖過寂飲酒酒酣從容寂具以大事告之高祖大驚寂曰正為宮人奉公事發當誅為此爾世民因亦入白其事高祖初陽不許欲執世民送官已而許之曰吾愛汝豈忍告汝邪然未有以發而所在盜賊益多突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王邵江海據岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起恒定號漫天王汪華起新安

杜伏威起淮南皆號吳王李密起葦號魏公王德仁起鄴號太公
左才相起齊郡號博山公羅藝據幽州左難當據涇馮盎據高羅
皆號總管梁師都據朔方號大丞相孟海公據曹州號錄事周文
舉據淮陽號柳葉軍高闕道據北平張長慈據五原周洮據上洛
楊士林據山南徐圓朗據兗州楊仲達據豫州張善相據伊汝王
要漢據汴州時德叡據尉氏李義滿據平陵綦公順據青萊淳于
難據文登徐師順據任城蔣弘度據東海王薄據齊郡蔣善合據
鄆州田留安據章丘張青特據濟北臧君相據海州殷恭遂據舒
州周法明據永安苗海潮據永嘉梅知巖據宣城鄧文進據廣州
俚酋楊世略據循潮尹安昌據巴東甯長真據鬱林其別號諸盜
往往屯聚山澤而劉武周攻汾陽宮高祖乃集將吏告曰今吾爲
留守而賊據離宮縱賊不誅罪當死然出兵必待報今江都隔遠

後期奈何將吏皆曰國家之利可專者公也高祖曰善乃募兵旬
日間得衆一萬副留守虎賁郎將王威虎牙郎將高君雅見兵大
集疑有變謀因禱雨晉祠以圖高祖高祖覺之乃陰爲備五月甲
子高祖及威君雅視事開陽府司馬劉政會告威君雅反卽坐上
執之丙寅突厥犯邊高祖令軍中曰人告威君雅召突厥今其果
然遂殺之以起兵遣劉文靜使突厥約連和六月己卯傳檄諸郡
稱義兵開大將軍府置三軍以子建成爲隴西公左領軍大都督
左軍隸焉世民爲燉煌公右領軍大都督右軍隸焉元吉爲姑臧
公中軍隸焉裴寂爲長史劉文靜爲司馬石艾縣長殷開山爲掾
劉政會爲屬長孫順德王長諧劉弘基竇琮爲統軍開倉庫賑窮
乏七月壬子高祖杖白旗誓衆於野有兵三萬以元吉爲太原留
守癸丑發太原甲寅遣將張綸徇下離石龍泉文城三郡丙辰次

靈石營於賈胡堡隋虎牙郎將宋老生屯於霍邑以拒義師丙寅
隋鷹揚府司馬李軌起武威號大涼王八月辛巳敗宋老生于霍
邑丙戌下臨汾郡辛卯克絳郡癸巳次龍門突厥來助隋驍衛大
將軍屈突通守河東絕津梁壬寅馮翊賊孫華土門賊白玄度皆
具舟以來逆九月戊午高祖領太尉加置僚佐以少牢祀河乃濟
甲子次長春宮丙寅隴西公建成劉文靜屯永豐倉守潼關燉煌
公世民自渭北徇三輔從父弟神通起兵于鄠柴氏婦高祖女也
亦起兵於司竹皆與世民會郿賊丘師利李仲文盩厔賊何潘仁
向善思宜君賊劉昊等皆來降因略定鄠杜壬申高祖次馮翊乙
亥燉煌公世民屯阿城隴西公建成自新豐趨霸上丙子高祖自
下邳以西所經隋行宮苑籞悉罷之出宮女還其家十月辛巳次
長樂宮有衆二十萬隋留守衛文昇等奉代王侑守京城高祖遣

隋義寧元年

使諭之不報乃圍城下令曰犯隋七廟及宗室者罪三族丙申隋
羅山令蕭銑自號梁公十一月丙辰克京城命主符郎宋公弼收
圖籍約法十二條殺人劫盜背軍叛者死癸亥遙尊隋帝爲太上
皇立代王爲皇帝大赦改元義寧甲子高祖入京師至朝堂望闕
而拜隋帝授高祖假黃鉞使持節大都督內外諸軍事大丞相錄
尚書事進封唐王以武德殿爲丞相府下教曰令視事于虔化門
十二月癸未隋帝贈唐襄公爲景王仁公爲元王夫人竇氏爲唐
國妃諡曰穆以建成爲唐國世子世民爲唐國內史徙封秦國公
元吉爲齊國公丞相府置長史司錄以下官趙郡公季恭徇山南
甲辰雲陽令詹俊徇巴蜀二年正月丁未隋帝詔唐王劔履上殿
入朝不趨贊拜不名加前後羽葆鼓吹戊午周洮降戊辰世子建
成爲左元帥秦國公世民爲右元帥徇地東都二月巳卯太常卿

二年
即唐武德
元年也

高祖受禘禪

武德元年

凡九年

鄭元璿定樊鄧使者馬元規徇荆襄三月己酉齊國公元吉為太原道行軍元帥乙卯世民徙封趙國公丙辰隋右屯衛將軍宇文化及弒太上皇於江都立秦王浩為皇帝吳興郡守沈法興據丹陽自稱江南道總管樂安人盧祖尚據光州自稱刺史戊辰隋帝進唐王位相國總百揆備九錫唐國置丞相等官立四廟四月己卯張長孫降辛巳停竹使符班銀菟符五月乙巳隋帝命唐王冕十有二旒建天子旌旗出警入蹕甲寅王德仁降戊午隋帝遜于位以刑部尚書蕭造司農少卿裴之隱奉皇帝璽紱於唐王三讓乃受武德元年五月甲子即皇帝位於太極殿命蕭造兼太尉告于南郊大赦改元賜百官庶人爵一級義師所過給復三年其餘給復一年改郡為州太守為刺史庚午太白晝見隋東都留守元文都及左武衛大將軍王世充立越王侗為皇帝六月甲戌趙國

公世民為尚書令裴寂為尚書右僕射知政事劉文靜為納言隋民部尚書蕭瑀丞相府司錄參軍竇威為內史令丙子太白晝見已卯追諡皇高祖曰宣簡公皇曾祖曰懿王皇祖曰景皇帝廟號太祖祖妣梁氏曰景烈皇后皇考曰元皇帝廟號世祖妣獨孤氏曰元貞皇后妃竇氏曰穆皇后庚辰立世子建成為皇太子封世民為秦王元吉齊王癸未薛舉寇涇州秦王世民為西討元帥劉文靜為司馬太僕卿宇文明達招慰山東乙酉奉隋帝為鄴國公詔曰近世時運遷革前代親族莫不夷絕曆數有歸實惟天命興亡之效豈伊人力前隋蔡王智積等子孫皆選用之癸巳禁言符瑞者辛丑竇威薨黃門侍郎陳叔達判納言將作大匠竇抗兼納言七月壬子劉文靜及薛舉戰于涇州敗績乙卯郭子和降庚申廢隋離宮八月壬申劉文靜除名戊寅約功臣恕死罪辛巳薛舉

卒壬午李軌降甲申巖州刺史王德仁殺招慰使宇文明達以反
已丑秦王世民爲西討元帥以討薛仁果庚子贈隋太常卿高顯
上柱國鄒國公上柱國賀若弼杞國公司隸大夫薛道衡上開府
臨河縣公刑部尚書宇文弼上開府平昌縣公左翊衛將軍董純
柱國狄道公右驍衛將軍李金才上柱國申國公左光祿大夫李
敏柱國觀國公諸遭隋枉殺而子孫被流者皆還之九月乙巳慮
囚始置軍府癸丑改銀莧符爲銅魚符甲寅秦州總管竇軌及薛
仁果戰敗績辛未字文化及殺秦王浩自稱皇帝十月壬申朔日
有食之已卯李密降壬午朱粲陷鄧州刺史呂子臧死之乙酉邵
江海降已亥盜殺商州刺史泉彥宗辛丑大閱是月竇抗罷十一
月竇建德敗王須拔于幽州須拔亡入于突厥乙巳涼王李軌反
戊申禁獻侏儒短節小馬庫牛異獸奇禽者已酉秦王世民敗薛

仁果執之癸丑行軍總管趙慈景攻蒲州隋刺史堯君素拒戰執
慈景癸亥秦王世民俘薛仁果以獻十二月壬申世民爲太尉丙
子蒲州人殺堯君素立其將王行本辛巳鄭元璿及朱粲戰于商
州敗之乙酉如周氏陂丁亥至自周氏陂庚子光祿卿李密反伏
誅是歲高開道陷漁陽號燕王

二年正月甲子陳叔達兼納言詔自今正月五月九月不行死刑
禁屠殺丙寅張善相降已巳楊士林降二月乙酉初定租庸調法
令文武官終喪丙戌州置宗師一人甲午赦并浩介石四州賈胡
堡以北繫囚閏月竇建德陷邢州執總管陳君賓辛丑竇建德殺
字文化及於聊城朱粲降壬寅皇太子及秦王世民裴寂巡于畿
縣乙巳御史大夫段確勞朱粲於菊潭庚戌微行察風俗乙卯以
穀貴禁關內屠酤左屯衛將軍何潘仁及山賊張子惠戰於司竹

死之丁巳慮囚庚申驍騎將軍趙欽王娑羅及山賊戰于盤屋死
之丁卯王世充陷殷州陟州刺史李育德死之三月甲戌王薄降
庚辰蔣弘度徐師順降丁亥竇建德陷趙州丁酉李義滿降四月
綦公順降庚子并州總管齊王元吉及劉武周戰于榆次敗績辛
丑朱粲殺段確以反乙巳王世充廢越王侗自稱皇帝癸亥陷伊
州執總管張善相五月庚辰涼州將安修仁執李軌以降癸未曲
赦涼甘瓜鄯肅會蘭河廓九州六月王世充殺越王侗戊戌立周
公孔子廟于國子監庚子竇建德陷滄州丁未劉武周陷介州癸
亥裴寂爲晉州道行軍總管離石胡劉季真叛陷石州刺史王儉
死之七月壬申徐圓朗降八月丁酉鄯國公薨甲子竇建德陷洛
州執總管袁子幹九月辛未殺戶部尚書劉文靜李子通自稱皇
帝沈法興自稱梁生丁丑杜伏威降裴寂及劉武周戰于介州敗

績右武衛大將軍姜寶誼死之庚辰竇建德陷相州總管呂珉死
之辛巳劉武周陷并州庚寅太白晝見竇建德陷趙州執總管張
志昂乙未京師地震梁師都寇延州鄜州刺史梁禮死之十月巳
亥羅藝降乙卯如華陰赦募士背軍者壬戌劉武周寇晉州永安
王季基及工部尚書獨孤懷恩陝州總管于筠內史侍郎唐儉討
之甲子祠華山是月夏縣人呂崇茂反秦王世民討劉武周十月
丙子竇建德陷黎州執淮安王神通總管李世勣十二月丙申獵
於華山永安王季基及劉武周戰於下邳敗績壬子大風拔木
三年正月巳巳獵於渭濱戊寅王行本降辛巳如蒲州癸巳至自
蒲州二月丁酉京師西南地有聲庚子如華陰甲寅獨孤懷恩謀
反伏誅辛酉檢校隰州總管劉師善謀反伏誅三月庚午改納言
爲侍中內史令爲中書令甲戌中書侍郎封德彝兼中書令乙酉

劉季真降四月丙申祠華山壬寅至自華陰癸卯禁關內諸州屠
甲寅秦王世民及宋金剛戰於雀鼠谷敗之辛酉王世充陷鄧州
總管雷四郎死之壬戌秦王世民及劉武周戰於洛州敗之武周
亡入於突厥克并州五月壬午秦王世民屠夏縣六月丙申赦晉
隰潞并四州癸卯詔隋帝及其宗室樞在江都者為營室置陵廟
以故宮人守之丙午慮囚封子元景為趙王元昌魯王元亨鄂王
已酉出宮女五百人賜東征將士有功者甲寅顯州長史田瓚殺
行臺尚書令楊士林叛附於王世充乙卯瘞州縣暴骨七月壬戌
秦王世民討王世充甲戌皇太子屯於蒲州以備突厥丙戌梁師
都導突厥稽胡寇邊行軍總管段德操敗之八月庚子慮囚甲辰
時德叡降九月癸酉田瓚降已丑給復陝鼎熊穀四州二年十月
戊申高開道降已酉楊仲達降已未有星隕於東都十二月已酉

瓜州刺史賀拔行威反

四年正月辛巳皇太子伐稽胡二月竇建德陷曹州執孟海公已
丑車騎將軍董阿興反於隴州伏誅乙巳太常少卿李仲文謀反
伏誅丙午慮囚丁巳赦代州總管府石嶺之北三月進封官都郡
王泰為衛王庚申慮囚乙酉竇建德陷管州刺史郭志安死之四
月壬寅齊王元吉及王世充戰於東都敗績行軍總管盧君諤死
之戊申突厥寇并州執漢陽郡王瓌太常卿鄭元璿左驍騎衛大
將軍長孫順德甲寅封子元方為周王元禮鄭王元嘉宋王元則
荆王元茂越王丁巳左武衛將軍王君廓敗張青特執之五月壬
戌秦王世民敗竇建德于虎牢執之乙丑赦山東為建德所誑誤
者戊辰王世充降庚午周法明降六月庚寅赦河南為王世充所
誑誤者戊戌蔣善合降庚子營州人石世則執其總管晉文衍叛

附於赫羈乙卯臧君相降七月甲子秦王世民俘王世充以獻丙寅實建德伏誅丁卯大赦給復天下一年陝鼎函虢虞芮七州二年甲戌劉黑闥反於貝州辛巳戴州刺史孟噉鬼反伏誅八月丙戌朔日有食之丁亥皇太子安撫北境丁酉劉黑闥陷郟縣魏州刺史權威貝州刺史戴元祥死之癸卯突厥寇代州執行軍總管王季基丁未劉黑闥陷歷亭屯衛將軍王行敏死之辛亥深州人崔元遜殺其刺史裴晞叛附於劉黑闥兗州總管徐元朗反九月盧祖尚降乙卯淳于難降甲子汪華降是秋夔州總管趙郡王季恭率十二總管兵以討蕭銑十月巳丑秦王世民爲天策上將領司徒齊王元吉爲司空庚寅劉黑闥陷瀛州執刺史盧士叡又陷觀州癸卯毛州人董燈明殺其刺史趙元愷乙巳趙郡王季恭敗蕭銑於荊州執之閏月乙卯如稷州巳未幸舊壘壬戌獵於好

時乙丑獵於九巖丁卯獵於仲山戊辰獵於清水谷遂幸三原辛未如周氏陂壬申至自周氏陂十一月甲申有事於南郊庚寅李子通降丙申子通謀反伏誅壬寅劉黑闥陷定州總管李玄通死之庚戌杞州人周文舉殺其刺史王季矩叛附於黑闥十二月乙卯黑闥陷冀州總管麴稜死之甲子左武侯將軍李世勣及黑闥戰於宋州敗績丁卯秦王世民齊王元吉討黑闥巳巳黑闥陷邢州庚午陷魏州總管潘道毅死之辛未陷業州壬申徙封元嘉爲徐王

五年正月乙酉劉黑闥陷相州刺史房晃死之丙戌殷恭遂降丁亥濟州別駕劉伯通執其刺史竇務本叛附于徐圓朗庚寅東鹽州治中王才藝殺其刺史田華叛附於劉黑闥丙申相州人殺其刺史獨孤徹以其州叛附於黑闥巳酉楊世略劉元進降二月王

要漢降己巳秦王世民克邢州丁丑劉黑闥陷洛水總管羅士信
死之戊寅汴州總管王要漢敗徐圓朗於杞州執周文舉三月戊
戌譚州刺史李義滿殺齊州都督王薄丁未秦王世民及劉黑闥
戰於洛水敗之黑闥亡入於突厥蔚州總管高開道反寇易州刺
史慕容季幹死之四月梁州野蠶成繭冉安昌降己未甯長真降
戊辰釋流罪以下穫麥壬申代州總管李大恩及突厥戰死之戊
寅鄧文進降五月田留安降庚寅瓜州人王幹殺賀拔行威以降
乙巳賜荊州今歲田租六月辛亥劉黑闥與突厥寇山東車騎將
軍元韶爲瓜州道行軍總管以備突厥癸丑吐谷渾寇洮旭疊三
州岷州總管李長卿敗之乙卯淮安郡王神通討徐圓朗七月甲
申作弘義宮甲午淮陽郡王道玄爲河北道行軍總管討劉黑闥
貝州人董該以定州叛附于黑闥丙申突厥殺劉武周於白道遷

州人鄧士政反執其刺史李敬昂丁酉馮盎降八月辛亥葬隋煬
帝甲寅吐谷渾寇岷州益州道行臺左僕射竇軌敗之乙卯突厥
寇邊庚申皇太子出幽州道秦王世民出秦州道以禦突厥己巳
吐谷渾陷洮州并州總管襄邑郡王神符及突厥戰於汾東敗之
戊寅突厥陷大震關九月癸巳靈州總管楊師道敗之于三觀山
丙申洪州總管宇文歆又敗之於崇岡壬寅定州總管雙士洛驃
騎將軍魏道仁又敗之於恒山之陽丙午領軍將軍安興貴又敗
之於甘州劉黑闥陷瀛州刺史馬匡武死之東鹽州人馬君德以
其州叛附于黑闥十月己酉齊王元吉討黑闥癸丑貝州刺史許
善護及黑闥戰於郟縣死之甲寅觀州刺史劉君會叛附於黑闥
乙丑淮陽郡王道玄及黑闥戰于下博死之己巳林士弘降十一
月庚辰劉黑闥陷滄州甲申皇太子討黑闥丙申如宜州癸卯獵

於富平北原十二月丙辰獵於萬壽原戊午劉黑闥陷恒州刺史王公政死之庚申至自萬壽原壬申皇太子及劉黑闥戰於魏州敗之甲戌又敗之于毛州

六年正月己卯黑闥將葛德威執黑闥以降壬午嶺州人王摩娑反驃騎將軍衛彥討之庚寅徐圓朗陷泗州二月劉黑闥伏誅庚戌幸溫湯壬子獵于驪山甲寅至自溫湯丙寅行軍總管李世勣敗徐圓朗執之三月海潮梅知巖左難當降乙巳洪州總管張善安反四月己酉吐蕃陷芳州己未以故第爲通義宮祭元皇帝元貞皇后于舊寢赦京城賜從官帛辛酉張善安陷孫州執總管王戎丁卯南州刺史龐季泰反陷南越州壬申封子元壽爲蜀王元慶漢王癸酉裴寂爲尚書左僕射蕭瑀爲右僕射封德彝爲中書令吏部尚書楊恭仁兼中書令檢校涼州諸軍事五月庚寅吐

谷渾党項寇河州刺史盧士良敗之癸卯高開道以奚寇幽州長史王說敗之六月丁卯突厥寇朔州總管高滿政敗之曲赦朔州七月丙子沙州別駕竇伏明反殺其總管賀若懷廓己亥皇太子屯于北邊秦王世民屯于并州以備突厥八月壬子淮南道行臺左僕射輔公祏反乙丑趙郡王孝恭討之九月壬辰秦王世民爲江州道行軍元帥丙申渝州人張大智反十月丙午殺廣州都督劉世讓戊申降死罪流以下原之己未如華陰張大智降庚申獵於白鹿原壬戌右虞候率杜士遠殺高滿政以朔州反丁卯突厥請和十一月壬午張善安襲殺黃州總管周法明丁亥如華陰辛卯獵於沙苑丁酉獵於伏龍原十二月壬寅朔日有食之癸卯張善安降庚戌以奉義監爲龍躍宮武宮宅爲慶善宮甲寅至自華陰

七年正月庚寅鄒州人鄧同穎殺其刺史李士衡二月丁巳釋奠於國學己未漁陽部將張金樹殺高開道以降三月戊戌趙郡王季恭敗輔公祏執之己亥季恭殺越州都督闕稜四月庚子大赦班新律令給復江州道二年揚越一年五月丙戌作仁智宮六月辛丑如仁智宮壬戌慶州都督楊文幹反七月己巳突厥寇朔州總管秦武通敗之癸酉慶州人殺楊文幹以降甲午至自仁智宮嚮州地震山崩遏江水閏月己未秦王世民齊王元吉屯于豳州以備突厥八月己巳吐谷渾寇鄯州驃騎將軍彭武傑死之戊寅突厥寇綏州刺史劉大俱敗之壬辰突厥請和丁酉裴寂使于突厥十月丁卯如慶善宮辛未獵于鄠南癸酉幸終南山丙子謁樓觀老子祠庚寅獵於圍川十二月丁卯如龍躍宮戊辰獵于高陵庚午至自高陵太子詹事裴矩檢校侍中

八年二月癸未慮囚四月甲申如鄠獵於甘谷作太和宮丙戌至自鄠六月甲子如太和宮七月丙午至自太和宮丁巳秦王世民屯於蒲州以備突厥八月壬申并州行軍總管張瑾及突厥戰于太谷敗績鄆州都督張德政死之執行軍長史溫彥博甲申任城郡王道宗及突厥戰於靈州敗之丁亥突厥請和十月辛巳如周氏陂獵于北原壬午如龍躍宮十一月辛卯如宜州獵于西原裴矩罷庚子講武於同官天策府司馬宇文士及權檢校侍中辛丑徙封元壽爲吳王元慶陳王癸卯秦王世民爲中書令齊王元吉爲侍中癸丑獵於華池北原十二月辛酉至自華池庚辰獵於鳴犢泉辛巳至自鳴犢泉

九年正月甲寅裴寂爲司空二月庚申齊王元吉爲司徒壬午有星孛於胃昴丁亥孛於卷舌三月庚寅幸昆明池習水戰壬辰至

自昆明池丙午如周氏陂乙卯至自周氏陂丁巳突厥寇涼州都督長樂郡王幼良敗之四月辛巳廢浮屠老子法六月丁巳太白經天庚申秦王世民殺皇太子建成齊王元吉大赦復浮屠老子法癸亥立秦王世民爲皇太子聽政賜爲父後者襲勳爵赤牒官得爲真免民逋租宿賦己卯太白晝見庚辰幽州都督盧江郡王瑗反伏誅癸未赦幽州管內爲瑗所誣誤者七月辛卯楊恭仁罷太子右庶子高士廉爲侍中左庶子房玄齡爲中書令蕭瑀爲尚書左僕射癸巳宇文士及爲中書令封德彝爲尚書左僕射辛亥太白晝見甲寅太白晝見八月丙辰突厥請和丁巳太白晝見壬戌吐谷渾請和甲子皇太子卽皇帝位貞觀三年太上皇徙居大安宮九年五月崩於垂拱前殿年七十一諡曰太武廟號高祖上元元年改諡神堯皇帝天寶八載諡神堯大聖皇帝十三載增諡

神堯大聖大光孝皇帝

贊曰自古受命之君非有德不王自夏后氏以來始傳以世而有賢有不肖故其爲世數亦或短或長論者乃謂周自后稷至於文武積功累仁其來也遠故其爲世尤長然於世本夏商周皆出於黃帝夏自鯀以前商自契至於成湯其間寂寥無聞與周之興異矣而漢亦起于亭長叛亡之徒及其興也有天下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者如何而其後世或浸以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有

亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑藉扶持而能永其天命歟

本紀第二

世宗

唐書二

太宗文武大聖大廣卒皇帝諱世民高祖次子也母曰太穆皇后竇氏生而不驚方四歲有書生謁高祖曰公在相法貴人也然必有貴子及見太宗曰龍鳳之姿天日之表其年幾冠必能濟世安民書生已辭去高祖懼其語泄使人追殺之而不知其所往因以為神乃採其語名之曰世民大業中突厥圍煬帝鴈門煬帝從圍中以木繫詔書投汾水而下募兵赴援太宗時年十六往應募隸將軍雲定興謂定興曰虜敢圍吾天子者以為無援故也今宜先後吾軍為數十里使其晝見旌旗夜聞鉦鼓以為大至則可不擊而走之不然知我虛實則勝敗未可知也定興從之軍至崞縣突厥候騎見其軍來不絕果馳告始畢可汗曰救兵大至矣遂引去高祖擊歷山飛陷其圍中太宗馳輕騎取之而出遂奮擊大破之

隋大業中

太宗為人聰明英武有大志而能屈節下士時天下已亂盜賊起
知隋必亡乃推財養士結納豪傑長孫順德劉弘基等皆因事亡
命匿之又與晉陽令劉文靜尤善文靜坐李密事繫獄太宗夜就
獄中見之與圖大事時百姓避賊多入城城中幾萬人文靜為令
久知其豪傑因共部署計已定乃因裴寂告高祖高祖初不許已
而許之高祖已起兵建大將軍府太宗率兵徇西河斬其郡丞高
德儒拜右領軍大都督封燉煌郡公唐兵西將至霍邑會天久雨
糧且盡高祖謀欲還兵太原太宗諫曰義師為天下起也宜直入
咸陽號令天下今還守一城是為賊爾高祖不納太宗哭于軍門
高祖驚召問之對曰還則眾散於前而敵乘於後死亡須臾所以
悲爾高祖寤曰起事者汝也成敗惟汝時左軍已先返即與隴西
公建成分追之夜半太宗失道入山谷棄其馬步而及其兵與俱

隋義寧元年

二年
唐武德元年

還高祖乃將而前遲明至霍邑宋老生不
舉鞭指麾若將圍之者老生怒出背城陣
宗及柴紹居其南老生兵薄東陣建成墜
太宗自南原馳下坂分兵斷其軍為二而
遂斬之進次涇陽擊胡賊劉鷓子破之唐
坊攻其西北遂克之義寧元年為光祿大
公食邑萬戶薛舉攻扶風太宗擊敗之斬
右二年為右元帥徙封趙國公率兵十萬
伏于三王陵敗隋將段達兵萬人武德元
將軍進封秦王薛舉寇涇州太宗為西討
太宗有疾諸將為舉所敗八月太宗疾間
十餘日已而舉死其子仁果率其眾求戰
太宗按軍不動久之仁

杲糧盡衆稍離叛太宗曰可矣乃遣行軍總管梁實柵淺水原仁
杲將宗羅睺擊實太宗遣將軍龐玉救實玉軍幾敗太宗率兵出
其後羅睺敗走太宗追之至其城下仁杲乃出降師還高祖遣李
密馳傳勞之於幽州密見太宗不敢仰視退而歎曰真英主也獻
捷太廟拜右武侯大將軍太尉使持節陝東道大行臺尚書令詔
蒲陝河北諸總管兵皆受其節度二年正月鎮長春宮進拜左武
候大將軍涼州總管是時劉武周據并州金剛陷滄州王行本
據蒲州而夏縣人呂崇茂殺縣令以應武周高祖懼詔諸將棄河
東以守關中太宗以爲不可棄願得兵三萬可以破賊高祖於是
悉發關中兵益之十一月出龍門關屯柏壁三年四月擊敗宋
金剛於柏壁金剛走介州太宗追之一日夜馳二百里宿於雀鼠
谷之西原軍士皆饑太宗不食者二日行至浩州乃得食而金剛

將尉遲敬德尋相等皆來降劉武周懼奔於突厥其將楊伏念舉
并州降高祖遣蕭瑀卽軍中拜太宗益州道行臺尚書令七月討
王世充敗之於北邙四年二月竇建德率兵十萬以援世充太宗
敗建德於虎牢執之世充乃降六月凱旋太宗被金甲陳鐵騎一
萬介十三萬前後鼓吹獻俘于太廟高祖以謂太宗功高古官號
不足以稱乃加號天策上將領司徒陝東道大行臺尚書令位在
王公上增邑戶至三萬賜袞冕金輅雙璧黃金六千斤前後鼓吹
九部之樂班劍四十人五年正月討黑闥於洛州敗之黑闥既
降已而復反高祖怒命太子建成取山東男子十五以上悉阮之
毆其小弱婦女以實關中太宗切諫以爲不可遂已加拜左右十
二衛大將軍七年突厥寇邊太宗與遇于瀚州從百騎與其可汗
語乃盟而去八年進位中書令初高祖起太原非其本意而事出

九年

帝即位

太宗及取天下破宋金剛王世充寶建德等太宗功益高而高祖
 屢許以為太子太子建成懼齊王元吉謀害太宗未發九年
 六月太宗以兵入玄武門子建成及齊王元吉高祖大驚乃
 以太宗為皇太子八月即皇帝位於東宮顯德殿遣裴寂告
 於南郊大赦武德流人還之賜文武官勳爵免關內及蒲芮虞泰
 陝鼎六州二歲租給復天下一年民八十以上賜粟帛百歲加版
 授廢潼關以東瀕河諸關癸酉放宮女三千餘人丙子立妃長孫
 氏為皇后癸未突厥寇便橋丙酉及突厥頡利盟于便橋九月壬
 子禁私家妖神淫祀占卜非龜易五兆者十月丙辰朔日有食之
 癸亥立中山郡王承乾為皇太子庚辰蕭瑀陳叔達罷十一月庚
 寅降宗室郡王非有功者爵為縣公十二月癸酉慮囚是歲進封
 子長沙郡王恪為漢王宜陽郡王祐楚王

凡三年

一

貞觀元年正月乙酉改元辛丑燕郡王李藝反於涇州伏誅二月
 丁巳詔民男二十女十五以上無夫家者州縣以禮聘娶貧不能
 自行者鄉里富人及親戚資送之鰥夫六十寡婦五十婦人有子
 若守節者勿彊三月癸巳皇后親蠶丙午詔齊僕射崔季舒黃門
 侍郎郭遵尚書右丞封季琰以極言蒙難季舒子剛遵子雲季琰
 子君遵竝及淫刑宜免內侍褒敘以官閏月癸丑朔日有食之四
 月癸巳涼州都督長樂郡王幼良有罪伏誅五月癸丑敕中書令
 侍中朝堂受訟辭有陳事者悉上封六月辛丑封德彝薨甲辰太
 子少師蕭瑀為尚書左僕射是夏山東旱免今歲租七月壬子吏
 部尚書長孫無忌為尚書右僕射八月河南隴右邊州霜宇文士
 及檢校涼州都督戍戔高士廉為安州大都督九月庚戌朔日
 有食之辛酉遣使諸州行損田賑問下戶御史大夫杜淹檢校吏

部尚書參議朝政宇文士及罷辛未幽州都督王君廓奔于突厥
十月丁酉以歲饑減膳十一月己未許子弟年十九以下隨父兄
之官所十二月壬午蕭瑀罷戊申利州都督李孝常右武衛將軍
劉德裕謀反伏誅

二年正月辛亥長孫無忌罷兵部尚書杜如晦檢校侍中總監東
宮兵馬事癸丑吐谷渾寇岷州都督李道彥敗之丁巳徙封恪為
蜀王泰越王祐燕王庚午刑部尚書李靖檢校中書令二月戊戌
外官上考者給祿三月戊申朔日有食之壬子命中書門下五品
以上及尚書議決死罪壬戌李靖為關內道行軍大總管以備薛
延陀已巳遣使巡關內出金寶贖饑民鬻子者還之庚午以旱蝗
責躬大赦癸酉雨四月己卯瘞隋人暴骸壬寅朔方人梁洛仁殺
梁師都以降六月甲申詔出使官稟食其家庚寅以子治生賜是

三年

日生子者粟辛卯辰州刺史裴虔通以弑隋煬帝削爵流驩州七
月戊申萊州刺史牛方裕絳州刺史薛世良廣州長史唐奉義虎
牙郎將高元禮以文化及之黨皆除名徙于邊八月甲戌省冤
獄於朝堂辛丑立二王後廟置國官九月壬子以有年賜酺三日
十月庚辰杜淹薨戊子殺瀛州刺史盧祖尚十一月辛酉有事于
南郊十二月壬辰黃門侍郎王珪守侍中癸巳禁五品以上過市
三年正月丙午以旱避正殿癸丑官得上下考者給祿一年戊午
享于太廟癸亥耕藉田辛未裴寂罷二月戊寅房玄齡為尚書左
僕射杜如晦為右尚書右丞魏徵為祕書監參預朝政三月
巳酉慮囚四月乙亥太上皇徙居于大安宮甲午始御太極殿戊
戌賜孝義之家粟五斛八十以上二斛九十以上三斛百歲加絹
二匹婦人正月以不產子者粟一斛五月乙丑周王元方薨六月

戊寅以旱慮囚已卯大風拔木壬午詔文武官言事八月己巳朔
日有食之丁亥李靖為定襄道行軍大總管以伐突厥九月丁巳
華州刺史柴紹為勝州道行軍總管以伐突厥十一月庚申并州
都督李世勣為通遠道行軍總管華州刺史柴紹為金河道行軍
總管任城郡王道宗為大同道行軍總管幽州都督衛季節為恒
安道行軍總管營州都督薛萬淑為暢武道行軍總管以伐突厥
十二月癸未杜如晦罷閏月癸丑為死兵者立浮屠祠辛酉慮囚
是歲中國人歸自塞外及開四夷為州縣者百二十餘萬人

四年正月丁卯朔日有食之癸巳武德殿北院火二月己亥幸溫
湯甲辰李靖及突厥戰於陰山敗之丙午至自溫湯甲寅大赦賜
酺五日御史大夫溫彥博為中書令王珪為侍中民部尚書戴胄
檢校吏部尚書參豫朝政太常卿蕭瑀為御史大夫與宰臣參議

朝政丁巳以旱詔公卿言事三月甲午李靖俘突厥頡利可汗以
獻四月戊戌西北君長請上號為天可汗六月乙卯發卒治洛陽
宮七月甲子朔日有食之癸酉蕭瑀罷甲戌太上皇不豫廢朝辛
卯疾愈賜都督刺史文武官及民年八十以上孝子表門閭者有
差八月甲寅李靖為尚書右僕射九月庚午瘞長城南隋人暴骨
已卯如隴州壬午禁芻牧於古明君賢臣烈士之墓者十月壬辰
赦歧隴二州免人歲租賦降咸陽始平武功死罪以下辛丑獵於
貴泉谷甲辰獵于魚龍川獻獲于大安宮乙卯免武功今歲租賦
十一月壬戌右大將軍侯君集為兵部尚書參議朝政甲子至
自隴州戊寅除~~刑~~有刑十二月甲辰獵於鹿苑乙巳至自鹿苑是
歲天下斷死罪二十九人
五年正月癸酉獵於昆明池丙子至自昆明池獻獲於大安宮二

月巳酉封弟元裕為鄧王元名譙王靈夔魏王元祥許王元曉密
王庚戌封子情為梁王貞漢王暉鄒王治晉王慎申王囂江王簡
代王四月壬辰代王簡薨五月乙丑以金帛購隋人沒于突厥者
以還其家八月甲辰遣使高麗祭隋人戰亡者戊申殺大理丞張
蘊古十一月丙子有事於南郊十二月丁亥詔決死刑京師五覆
秦諸州三覆奏其尚食毋進酒肉壬寅幸溫湯癸卯獵于驪山
賜新豐高年帛戊申至自溫湯癸丑赦關內
六年正月乙卯朔日有食之癸酉靜州山獠反右武衛將軍李子
和敗之三月侯君集罷戊辰如九成宮丁丑降雍岐豳三州死罪
以下賜民八十以上粟帛五月魏徵檢校侍中六月巳亥鄧王元
亨薨辛亥江王智薨七月巳巳詔天下行鄉飲酒九月巳酉幸慶
善宮十月侯君集起復乙卯至自慶善宮十二月辛未慮囚縱死

戊特進蕭瑀參豫朝政

十年正月甲午復聽政癸丑徙封元景為荆齒辛丑賜京城醢三
王元嘉韓王元則彭王元懿鄭王元軌霍王靈夔燕王恪吳王泰魏王祐齊王情蜀王暉洞獠寇邊右屯衛大
三月癸丑出諸王為都督六月壬申溫彥博月縱囚來歸皆赦之
卿楊師道為侍中魏徵罷為特進知門下省月壬辰開府儀同三
卯皇后崩十一月庚寅葬文德皇后於昭陵丙辰獵于少陵原戊
慮囚
十一年正月丁亥徙封元裕為鄧王元名錄使循省天下二月乙
卯免雍州今歲租賦二月丁巳營九峻山以上子為父後者爵
地及祕器甲子如洛陽宮乙丑給民百歲以未朔日有食之是夏
鹿臺嶺三月丙戌朔日有食之癸卯降洛州海道行軍總管左驍

辛亥獵於廣成澤癸丑如洛陽宮六月甲寅月隴右山崩八月甲
德宮已未以諸王爲世封刺史戊辰以功臣九成宮十一月辛未
封元祥爲江王七月癸未大雨水穀洛溢趙德楷十二月辛丑
廢明德宮之玄圃院賜遭水家丙午給亳州積石道行軍總管任
戶各二十以奉享復涼武昭王近墓戶二十道彥爲赤水道行軍
濫壞陝州河北縣毀河陽中渾幸白司馬坂州刺史高甌生爲
粟帛十月癸丑賜先朝謀臣武將及親戚亡皇閱武於城西
辛卯如懷州乙未獵於濟源麥山丙午如洛庚辰洮州羌殺刺史
十二年正月乙未叢州地震癸卯松州地震及羌人戰敗之閏四
觀底柱甲子巫州獠反夔州都督齊善行敗于太上皇崩皇太子
觀鹽池庚午如蒲州甲戌如長春宮免朝邑鹽澤道行軍副總管
亥獵於河濱閏月庚辰朔日有食之丙戌至帝於獻陵十一月壬

罪者歸其家是歲諸羌內屬者三十萬人

七年正月戊子斥宇文化及黨人之子孫勿王元昌漢王元禮徐
日二月丁卯雨土三月戊子王珪罷庚寅魏元鳳號王元慶道王
如九成宮六月辛亥戴胄薨八月辛未東西將王貞越王慎紀王
將軍張士貴爲龔州道行軍總管以討之九爲尚書右僕射太常
十月庚申至自九成宮乙丑京師地震十一事參議朝章國典已
司長孫無忌爲司空十二月甲寅幸芙蓉園十二月蕭瑀罷庚辰
午至自少陵原

八年正月辛丑張士貴及獠戰敗之壬寅遣王庚子作飛山宮乙
巳皇太子加元服丙午降死罪以下賜五品陵賜功臣密戚陪塋
一級民酺三日三月庚辰如九成宮五月辛上侍五人壬午獵於
吐谷渾寇涼州左驍衛大將軍段志玄爲西囚見徒免一歲租調

衛將軍樊興為赤水道行軍總管以伐之七溫彥博薨丁巳幸明
子有星孛於虛危十月作永安宮甲子至白為世封刺史巳巳徙
李靖罷巳丑吐谷渾寇涼州執行人鴻臚丞未詔自官言事壬寅
特進李靖為西海道行軍大總管侯君集為老子廟兗州孔子廟
城郡王道宗為鄯善道行軍總管膠東郡公以守衛九月丁亥河
總管涼州都督李大亮為且末道行軍總管觀之賜瀕河遭水家
鹽澤道行軍總管以伐吐谷渾下卯從太上者瑩陪獻陵十一月
九年正月党項羌叛二月長孫無忌罷三月陽宮
孔長秀附於吐谷渾壬午大赦乙酉高甌牛二月癸亥如河北縣
月丙寅朔日有食之五月長孫無忌起復庚之乙丑如陝州丁卯
聽政壬子李靖及吐谷渾戰敗之七月庚子今歲租賦降囚罪乙
劉德敏及羌人戰敗之十月庚寅葬太武皇自長春宮七月癸酉

吏部尚書高士廉為尚書右僕射八月壬寅吐蕃寇松州侯君集
為當彌道行軍大總管率三總管兵以伐之九月辛亥濶水道行
軍總管牛進達及吐蕃戰於松州敗之十月巳卯獵於始平賜高
年粟帛乙未至自始平鈞州山獠反桂州都督張寶德敗之十一
月巳巳明州山獠反交州都督李道彥敗之十二月辛巳壁州山
獠反右武侯將軍上官懷仁討之是歲滁豪二州野蠶成繭
十三年正月乙巳拜獻陵赦三原及行從免縣人今歲租賦賜宿
衛陵邑郎將三原令爵一級丁未至自獻陵二月庚子停世封刺
史三月乙丑有星孛於畢昴四月戊寅如九成宮甲申中郎將阿
史那結社率反伏誅壬寅雲陽石然五月甲寅以旱避正殿詔五
品以上言事減膳罷役理囚賑乏乃雨六月丙申封弟元嬰為滕
王八月辛未朔日有食之十月甲申至自九成宮十一月辛亥楊

師道爲中書令戊辰尚書左丞劉洎爲黃門侍郎參知政事十二月壬申侯君集爲交河道行軍大總管以伐高昌乙亥封子福爲趙王壬辰獵於咸陽癸巳至自咸陽是歲滁州野蠶成繭十四年正月庚子有司讀時令甲寅幸魏王泰第赦雍州長安縣免延康里今歲租賦二月丁丑觀釋奠於國學赦大理萬年縣賜學官高第生帛壬午幸溫湯辛卯至自溫湯乙未求梁皇儲褚仲都周熊安生沈重陳沈文阿周弘正張譏隋何妥劉焯劉炫之後三月羅賓二州獠反廣州總管党仁弘敗之五月壬寅徙封靈夔爲魯王六月滁州野蠶成繭乙酉大風拔木八月庚午作襄城宮癸酉侯君集克高昌九月癸卯赦高昌部及士卒父子犯死其犯流大功犯徒小功總麻犯杖皆原之閏十月乙未如同州甲辰獵於堯山庚戌至自同州十一月甲子有事于南郊十二月丁酉侯

君集俘高昌王以獻賜酺三日癸卯獵於樊川乙巳至自樊川十五年正月辛巳如洛陽宮次溫湯衛士崔卿刁文懿謀反伏誅三月戊辰如襄城宮四月辛卯詔以來歲二月有事於泰山乙未免洛州今歲租還戶故給復者加給一年賜民八十以上物惇獨鰥寡疾病不能自存者米二斛慮囚六月己酉有星孛于太微丙辰停封泰山避正殿減膳七月丙寅宥周隋名臣及忠烈子孫貞觀以後流配者十月辛卯獵於伊闕壬辰如洛陽宮十一月癸酉薛延陀寇邊兵部尚書李世勣爲朔州道行軍總管右衛大將軍李大亮爲靈州道行軍總管涼州都督李襲譽爲涼州道行軍總管以伐之十二月戊子至自洛陽宮庚子命三品以上嫡子事東宮辛丑慮囚甲辰李世勣及薛延陀戰於諾真水敗之乙巳贈戰亡將士官三轉

十六年正月乙丑遣使安撫西州戊辰募戍西州者前犯流死亡
匿聽自首以應募辛未徙天下死罪囚實西州中書舍人岑文本
為中書侍郎專典機密六月戊戌太白晝見七月戊午長孫無忌
為司徒房玄齡為司空十一月丙辰獵于武功壬戌獵於岐山之
陽甲子賜所過六縣高年孤疾糴衾粟帛遂幸慶善宮庚午至自
慶善宮十二月癸卯幸溫湯甲辰獵于驪山乙巳至自溫湯
十七年正月戊辰魏徵薨代州都督劉蘭謀反伏誅二月己亥慮
囚戊申圖功臣于凌烟閣三月壬子禁送終違令式者丙辰齊王
祐反李世勣討之甲子以旱遣使覆囚決獄乙丑齊王祐伏誅給
復齊州一年四月乙酉廢皇太子為庶人漢王元昌侯君集等伏
誅丙戌立晉王治為皇太子大赦賜文武官及五品以上子為父
後者爵一級民八十以上粟帛三日丁亥楊師道罷己丑特進

蕭瑀為太子太保李世勣為太子詹事同中書門下三品庚寅謝
承乾之過於太廟癸巳降封魏王泰為東萊郡王六月己卯朔日
有食之壬辰葬隋恭帝甲午以旱避正殿減膳詔京官五品以上
言事丁酉高士廉同中書門下三品平章政事閏月丁巳詔皇太
子典左右屯營兵丙子徙封泰為順陽郡王七月丁酉房玄齡罷
八月庚戌工部尚書張亮為刑部尚書參豫朝政十月丁未建諸
州邸于京城丁巳房玄齡起復十一月己卯有事於南郊壬午賜
酺三日以涼州獲瑞石赦涼州十二月庚申幸溫湯庚午至自溫
湯

十八年正月乙未如鍾官城庚子如鄠壬寅幸溫湯二月己酉如
零口乙卯至自零口丁巳給復突厥高昌部人隸諸州者二年四
月辛亥如九成宮七月甲午營州都督張儉率幽營兵及契丹奚

以伐高麗八月壬子安西都護郭孝恪為西州道行軍總管以伐
焉耆甲子至自九成宮丁卯劉洎為侍中岑文本為中書令中書
侍郎馬周守中書令九月黃門侍郎褚遂良參豫朝政辛卯郭孝
恪及焉耆戰敗之十月辛丑朔日有食之癸卯宴雍州父老于上
林苑賜粟帛甲寅如洛陽宮己巳獵于天池十一月戊寅慮囚庚
辰遣使巡問鄭汝懷澤四州高年宴賜之甲午張亮為平壤道行
軍大總管李世勣馬周為遼東道行軍大總管率十六總管兵以
伐高麗十二月壬寅庶人承乾卒戊午李思摩部落叛
十九年二月庚戌如洛陽宮以伐高麗癸丑射虎于武德北山乙
卯皇太子監國於定州丁巳賜所過高年鰥寡粟帛贈比于太師
諡忠烈三月壬辰長孫無忌攝侍中吏部尚書楊師道攝中書令
四月癸卯誓師于幽州大饗軍丁未岑文本薨癸亥李世勣克蓋

牟城五月己巳平壤道行軍總管程名振克沙卑城庚午次遼澤
瘞隋人戰亡者乙亥遼東道行軍總管張君乂有罪伏誅丁丑軍
至馬首山甲申克遼東城六月丁酉克白巖城己未大敗高麗於
安市城東南山左武衛將軍王君愕死之辛酉賜酺三日七月壬
申葬死事官加爵四級以一子襲九月癸未班師十月丙午次營
州以太牢祭死事者丙辰皇太子迎謁於臨渝關戊午次漢武臺
刻石紀功十一月癸酉大饗軍於幽州庚辰次易州癸未平壤道
行軍總管張文幹有罪伏誅丙戌次定州丁亥貶楊師道為工部
尚書十二月戊申次并州己未薛延陀寇夏州左領軍大將軍執
失思力敗之庚申殺劉洎
二十年正月辛未夏州都督喬師望及薛延陀戰敗之丁丑遣使
二十二人以六條黜陟於天下庚辰赦并州起義時編戶給復三

年後附者一年二月甲午從伐高麗無功者皆賜勳一轉庚申賜所過高年鰥寡粟三月己巳至自高麗庚午不豫皇太子聽政己丑張亮謀反伏誅閏月癸巳朔日有食之六月乙亥江夏郡王道宗李世勣伐薛延陀七月辛亥疾愈李世勣及薛延陀戰敗之八月甲子封孫忠為陳王己巳如靈州庚辰次涇州賜高年鰥寡粟帛丙戌踰隴山關次瓦亭觀牧馬丁亥許陪陵者子孫從葬九月辛卯遣使巡察嶺南甲辰鐵勒諸部請上號為可汗辛亥靈州地震十月貶蕭瑀為商州刺史丙戌至自靈州十一月己丑詔祭祀表疏藩客兵馬宿衛行魚契給驛授五品以上官及除解決死罪皆以聞餘委皇太子

二十一年正月壬辰高士廉薨丁酉詔以來歲二月有事於泰山

甲寅以鐵勒諸部為州縣賜京師酺三日慮囚降死罪以下二月

丁丑皇太子釋菜於太學三月戊子左武衛大將軍牛進達為青丘道行軍大總管李世勣為遼東道行軍大總管率三總管兵以伐高麗四月乙丑作翠微宮五月戊子幸翠微宮壬辰命百司決事於皇太子庚戌李世勣克南蘇木底城六月丁丑遣使鐵勒諸部購中國人陷沒者七月乙未牛進達克石城丙申作玉華宮庚戌至自翠微宮八月泉州海溢壬戌停封泰山九月丁酉封子明為曹王十月癸丑褚遂良罷十一月癸卯進封秦為濮王十二月戊寅左驍衛大將軍契必何力為崑丘道行軍大總管率三總管兵以伐龜茲

二十二年正月庚寅馬周薨戊戌幸溫湯己亥中書舍人崔仁師為中書侍郎參知機務丙午左武衛大將軍薛萬徹為青丘道行軍大總管以伐高麗長孫無忌檢校中書令知尚書門下省事戊

申至自溫湯二月褚遂良起復乙卯見京城父老勞之滿今歲半
租畿縣三之一丁卯詔度遼水有功未酬勳而犯罪者與成官同
乙亥幸玉華宮巳卯獵於華原流崔仁師於連州三月丁亥赦宜
君給復縣人自玉華宮苑中遷者三年四月丁巳松州蠻叛右武
候將軍梁建方敗之六月丙寅張行成存問河北從軍者家令州
縣為營農丙子薛萬徹及高麗戰于泊灼城敗之七月甲申太白
晝見壬辰殺華州刺史李君羨癸卯房玄齡薨八月巳酉朔日有
食之辛未執失思力伐薛延陀餘部於金山九月庚辰崑丘道行
軍總管阿史那社尒及薛延陀餘部處月處密戰敗之巳亥褚遂
良為中書令壬寅眉卬雅三州獠反茂州都督張士貴討之十月
癸丑至自玉華宮巳巳阿史那社尒反龜茲戰敗之十二月辛未
降長安萬年徒罪以下閏月癸巳慮囚

二十三年正月辛亥阿史那社尒俘龜茲王以獻三月巳未自冬
早至是雨辛酉大赦丁卯不豫命皇太子聽政於金液門四月巳
亥幸翠微宮五月戊午貶李世勣為疊州都督巳巳皇帝崩於含
風殿年五十三庚午奉天行御馬輿還京師禮部尚書于志寧為
侍中太子少詹事張行成兼侍中高季輔兼中書令壬申發喪諡
曰文上元元年改諡文武聖皇帝天寶八載諡文武大聖皇帝十
三載增諡文武大聖大廣孝皇帝
贊曰甚矣至治之君不世出也禹有天下傳十有六王而少康有
中興之業湯有天下傳二十八王而其甚盛者號稱三宗武王有
天下傳三十六王而成康之治與宣之功其餘無所稱焉雖詩書
所載時有闕略然三代十有七百餘年傳七十餘君其卓然著見
於後世者此六七君而已嗚呼可謂難得也唐有天下傳世二十

其可稱者三君玄宗憲宗皆不克其終盛哉太宗之烈也其除隋之亂比迹湯武致治之美庶幾成康自古功德兼隆由漢以來未之有也至其牽於多愛復立浮圖好大喜功勤兵於遠此中材庸主之所常為然春秋之法常責備於賢者是以後世君子之欲成人之美者莫不歎息於斯焉

本紀第二

唐書二

唐書二

貞觀十七年

二十三年

太宗崩

帝即位

高宗天皇大聖大弘孝皇帝諱治字為善太宗第九子也母曰文德皇后長孫氏始封晉王貞觀七年遙領并州都督十七年太子承乾廢而魏王泰次當立亦以罪黜乃立子治為皇太子太宗嘗命皇太子遊觀習射太子辭以非所好願得奉至尊居膝下太宗大喜乃營寢殿側為別院使太子居之太宗每視朝皇太子嘗侍觀決庶政二十三年太宗有疾詔皇太子聽政於金液門四月從幸翠微宮太宗崩以羽檄發六府甲士四十衛皇太子入於京師六月甲戌即皇帝位於柩前大赦賜文武官勳一轉民八十以上粟帛給復雍州及比歲供軍所一年癸未長孫無忌為太尉癸巳檢校洛州刺史李勣為開府儀同三司參掌機密八月癸酉河東地震乙亥又震庚辰遣使存問河東給復二年賜壓死者人絹三

正庚寅葬文皇帝於昭陵九月甲寅荆王元景為司徒吳王恪為
司空乙卯李勣為尚書左僕射同中書門下三品十一月乙丑晉
州地震左翊衛郎將高倫伐突厥是冬無雪

永徽元年正月辛丑改元丙午立妃王氏為皇后張行成為侍中

二月辛卯封李為許王上金杞王素節雍王四月己巳晉州地

震五月己未太白晝見六月高倫及突厥戰于金山敗之庚辰晉

州地震詔五品以上言事七月辛酉以旱慮囚八月戊辰給五品

以上解官充侍者半祿加賜帛庚午降死罪以下九月癸卯高倫

俘突厥車鼻可汗以獻十月戊辰李勣罷左僕射十一月己未貶

褚遂良為同州刺史十二月庚午琰州獠寇邊梓州都督謝萬歲

死之

二年正月戊戌開義倉以賑民乙巳黃門侍郎宇文節中書侍郎

柳爽同中書門下三品乙卯瑤池都督阿史那賀魯叛四月乙丑

命有司毋進肉食訖于五月七月丁未賀魯寇庭州左武衛大將

軍梁建方右驍衛大將軍契苾何力為弓月道行軍總管以伐之

八月己巳高季輔為侍中于志寧為尚書左僕射張行成為右僕

射同中書門下三品己卯白水蠻寇邊左領軍將軍趙季祖為郎

州道行軍總管以伐之九月癸卯以同州苦泉牧地賜貧民十月

辛卯晉州地震十一月辛酉有事于南郊癸酉禁進犬馬鷹鶻戊

寅忻州地震甲申雨木冰是月竇州義州蠻寇邊桂州都督劉伯

英敗之趙季祖及白水蠻戰于羅仵候山敗之十二月乙未太白

晝見壬子處月朱邪孤注殺招慰使單道惠叛附于賀魯是冬無

雪

三年正月癸亥梁建方及處月戰於牢山敗之甲子以旱避正殿

減膳降囚罪徒以下原之巳巳褚遂良為吏部尚書同中書門下
三品丙子享於太廟丁亥耕藉田三月辛巳雨土宇文節為侍中
柳奭守中書令四月庚寅趙季祖及白水蠻戰敗之甲午彭王元
則薨是月兵部侍郎韓瑗為黃門侍郎同中書門下三品五月庚
申求齊侍中崔季舒給事黃門侍郎裴澤隋儀同三司豆盧毓御
史中丞游楚客丁孫官之七月丁巳立陳王忠為皇太子大赦賜
五品以上子為父後者勳一轉民酺三日九月丙辰求周司沐大
夫裴融尚書左丞封季琰子孫官之是月中書侍郎來濟同中書
門下三品十二月癸巳濮王泰薨

四年二月甲申駙馬都尉房遺愛薛萬徹柴令武高陽巴陵公主
謀反伏誅殺荆王元景吳王恪乙酉流宇文節於桂州戊子廢蜀
王愔為庶人巳亥徐王元禮為司徒李勣為司空四月壬寅以旱

慮囚遣使決天下獄減同中太僕馬粟詔文武官言事甲辰避正

殿減膳六月巳丑太白晝見八月巳亥隕石於馮翊十有八九月

壬戌張行成薨甲戌褚遂良為尚書右僕射十月庚子幸溫湯甲

辰赦新豐乙巳至自溫湯戊申睦州女子陳碩真反婺州刺史崔

義玄討之十一月庚戌陳碩真伏誅癸丑兵部尚書崔敦禮為侍

中丁巳柳奭為中書令十二月庚子高季輔薨

五年正月丙寅以旱詔文武官朝集使言事三月戊午如萬年宮

乙丑次鳳泉湯辛未赦岐州及所過徒罪以下六月癸亥柳奭罷

丙寅河北大水遣使慮囚八月巳未詔免麟游岐陽今歲課役岐

州及供頓縣半歲九月丁酉至自萬年宮十月癸卯築京師羅郭

起觀於九門

六年正月壬申拜昭陵赦醴泉及行從免縣今歲租調陵所宿衛

進爵一級令丞加一階癸酉以少牢祭陪葬者甲戌至自昭陵庚寅封子弘為代王賢潞王二月乙巳皇太子加元服降死罪以下賜酺三日五品以上為父後者勳一轉乙丑營州都督程名振左衛中郎將蘇定方伐高麗五月壬午及高麗戰于貴端水敗之癸未左屯衛大將軍程知節為蔥山道行軍大總管以伐賀魯壬辰韓瑗為侍中來濟為中書令七月乙酉崔敦禮為中書令是月中書舍人李義府為中書侍郎參知政事九月庚午貶褚遂良為潭州都督乙酉洛水溢十月齊州黃河溢已酉廢皇后為庶人乙卯立宸妃武氏為皇后丁巳大赦賜民八十以上粟帛十一月己巳皇后見于太廟戊子停諸州貢珠癸巳詔禁吏酷法及為隱名書者是冬皇后殺王庶人

顯慶元年正月辛未廢皇太子為梁王立代王弘為皇太子壬申

大赦改元賜五品以上子為父後者勳一轉民酺三日八十以上粟帛丙戌禁胡人為幻戲者甲午放宮人三月辛巳皇后親蠶丙戌戶部侍郎杜正倫為黃門侍郎同中書門下三品四月壬寅詔五品以上老疾不以罪者同致仕壬子矩州人謝無零反伏誅七月癸未崔敦禮為太子少師同中書門下三品八月丙申崔敦禮薨辛丑程知節及賀魯部歌邏祿處月戰於榆幕谷敗之九月庚辰括州海溢癸未程知節及賀魯戰于恒篤城敗之十一月乙丑以子顯生賜京官朝集使勳一轉自八月霜且雨至于是月是歲龜茲大將羯獵顛附于賀魯左屯衛大將軍楊胄伐之

二年閏正月壬寅如洛陽宮庚戌右屯衛將軍蘇定方為伊麗道行軍總管以伐賀魯二月癸亥降洛州囚罪徒以下原之免民一歲租調賜百歲以上瓊裘粟帛庚午封子顯為周王壬申徙封素

節為郇王三月戊申禁舅姑拜公主父母拜王妃癸丑李義府兼
中書令五月丙申幸明德宮七月丁亥如洛陽宮八月丁卯貶韓
瑗為振州刺史來濟為台州刺史辛未衛尉卿許敬宗為侍中九
月庚寅杜正倫兼中書令十一月戊戌如許州甲辰遣使慮所過
州縣囚乙巳獵於淮南壬子講武於新鄭赦鄭州免一歲租賦賜
八十以上粟帛其嘗事高祖任佐使者以名聞十二月乙卯如洛
陽宮丁巳蘇定方敗賀魯於金牙山執之丁卯以洛陽宮為東都
三年正月戊申楊胄反龜茲羯獵顛戰於泥師城敗之二月甲戌
至自東都戊寅慮囚六月壬子程名振及高麗戰于赤烽鎮敗之
十一月乙酉貶杜正倫為橫州刺史李義府普州刺史戊子許敬
宗權檢校中書令甲午蘇定方荐賀魯以獻戊戌許敬宗為中書
令大理卿辛茂將兼侍中

四年三月壬午岷陵都護阿史那彌射及西突厥真珠葉護戰於
雙河敗之四月丙辰于志寧為太子太師同中書門下三品乙丑
黃門侍郎許圜師同中書門下三品戊辰流長孫無忌於黔州于
志寧罷五月己卯許圜師為中書侍郎同中書門下三品丙申兵
部尚書任雅相度支尚書盧承慶參知政事戊戌殺涼州都督長
史趙持滿七月己丑以旱避正殿壬辰慮囚八月壬子李義府為
吏部尚書同中書門下三品十月丙午皇太子加元服大赦賜五
品以上子孫為父祖後者勳一轉民酺三日閏月戊寅如東都皇
太子監國辛巳詔所過供頓免今歲租賦之半賜民八十以上羶
裘粟帛十一月丙午許圜師為左散騎常侍檢校侍中戊午辛茂
將薨癸亥賀魯部悉結闕俟斤都曼寇邊左驍衛大將軍蘇定方
為安撫大使以伐之盧承慶同中書門下三品

五年正月癸卯蘇定方俘都曼以獻甲子如并州已巳次長平賜父老布帛二月丙戌赦并州及所過州縣義旗初嘗任五品以上葬并州者祭之加佐命功臣食別封者子孫二階大將軍府僚佐存者一階民年八十以上版授刺史縣令賜酺三日甲午祠舊宅三月丙午皇后宴親族隣里於朝堂會命婦於內殿賜從官五品以上并州長史司馬勳一轉婦人八十以上版授郡君賜璫衾粟帛巴西講武於城西辛亥左武衛大將軍蘇定方為神兵道行軍大總管新羅王金春秋為岨夷道行軍總管率三將軍及新羅兵以伐百濟四月癸巳如東都五月辛丑作八關宮戊辰定襄都督阿史德樞賓為沙磧道行軍總管以伐契丹六月庚午朔日有食之七月乙巳廢梁王忠為庶人丁卯盧承慶罷八月庚辰蘇定方及百濟戰敗之壬午左武衛大將軍鄭仁泰及悉結拔也固僕骨

同羅戰敗之癸未赦神兵道大總管以下軍士及其家賜民酺三日十一月戊戌蘇定方俘百濟王以獻甲寅如許州十二月辛未獵於安樂川已卯如東都壬午左驍衛大將軍契苾何力為涇江道行軍大總管蘇定方為遼東道行軍大總管左驍衛將軍劉伯英為平壤道行軍大總管以伐高麗阿史德樞賓及奚契丹戰敗之

龍朔元年正月戊午鴻臚卿蕭嗣業為扶餘道行軍總管以伐高麗二月乙未改元赦洛州四月庚辰任雅相為涇江道行軍總管契苾何力為遼東道行軍總管蘇定方為平壤道行軍總管蕭嗣業為扶餘道行軍總管右驍衛將軍程名振為鏤方道行軍總管左驍衛將軍龐孝泰為沃沮道行軍總管率三十五軍以伐高麗甲午晦日有食之六月辛巳太白經天八月甲戌蘇定方及高麗

戰於涇江敗之九月癸卯及皇后幸李勣許圍師第壬子徙封賢
為沛王十月丁卯獵於陸渾戊辰獵於非山癸酉如東都鄭仁泰
為鐵勒道行軍大總管蕭嗣業為仙峒道行軍大總管左驍衛大
將軍阿史那忠為長岑道行軍大總管以伐鐵勒

二年二月甲子大易官名甲戌任雅相薨戊寅龐季泰及高麗戰
於蛇水死之三月庚寅鄭仁泰及鐵勒戰於天水敗之乙巳如河
北縣辛亥如蒲州癸丑如同州四月庚申至自同州辛巳作蓬萊
宮六月癸亥禁宗戚獻纂組雕鏤七月戊子以子旭輪生滿月大
赦賜酺三日右威衛將軍孫仁師為熊津道行軍總管以伐百濟
戊戌李義府罷八月壬寅許敬宗為太子少師同東西臺三品九
月丁丑李義府起復十月丁酉幸溫湯皇太子監國丁未至自溫
湯庚戌西臺侍郎上官儀同東西臺三品十一月辛未貶許圍師

為虔州刺史癸酉封子旭輪為殷王是歲右衛將軍蘇海政為颶
海道行軍總管以伐龜茲海政殺崑陵都督阿史那彌射

三年正月乙丑李義府為右相二月減百官一月俸賦雍同等十
五州民錢以作蓬萊宮巳亥殺駙馬都尉韋正矩庚戌慮囚四月
戊子流李義府于儺州五月壬午柳州蠻叛冀州都督長史劉伯
英以嶺南兵伐之六月吐蕃攻吐谷渾涼州都督鄭仁泰為青海
道行軍大總管以救之八月癸卯有彗星出於左攝提以申詔百
僚言事遣按察大使於十道九月戊午孫仁師及百濟戰于白江
敗之十月辛巳詔皇太子五日至光順門監諸司奏事小事決
之十二月甲戌雨木冰十二月庚子改明年為麟德元年降京師
雍州諸縣死罪以下壬寅安西都護高賢為行軍總管以伐弓月
麟德元年二月戊子如福昌宮癸卯如萬年宮四月壬午道王元

慶薨五月戊申許王季薨丙寅以早避正殿七月丁未詔以三年
正月有事於泰山八月己卯幸舊第降萬年縣死罪以下壬午至
自萬年宮丁亥司列太常伯劉祥道兼右相大司憲竇德玄爲司
元太常伯檢校左相十二月丙戌殺上官儀戊子殺庶人忠劉祥
道罷太子右中護樂彥瑋西臺侍郎孫處約同知軍國政事是冬
無雪

二年二月壬午如東都三月甲寅司戎太常伯姜恪同東西臺三
品戊午遣使慮京都諸司及雍洛二州囚閏月癸酉日有食之是
春疎勒弓月吐蕃攻于闐西州都督崔智辯左武衛將軍曹繼叔
救之四月丙午赦桂廣黔三都督府丙寅講武于邙山之陽戊辰
左侍極陸敦信檢校右相孫處約樂彥瑋罷七月己丑鄧王元裕
薨十月壬戌帶方州刺史劉仁軌爲大司憲兼知政事丁卯如泰

山大有年

乾封元年正月戊辰封於泰山庚午禪於社首以皇后爲亞獻壬
申大赦改元賜文武官階勳爵民年八十以上版授下州刺史司
馬縣令婦人郡縣君七十以上至八十賜古爵一級民酺七日女
子百戶牛酒免所過今年租賦給復齊州一年半兗州二年辛卯
幸曲阜祠孔子贈太師二月己未如亳州祠老子追號太上玄元
皇帝縣人宗姓給復一年四月甲辰至自亳州庚戌陸敦信罷六
月壬寅高麗泉男生請內附右驍衛大將軍契苾何力爲遼東安
撫大使率兵援之左金吾衛將軍龐同善營州都督高侃爲遼東
道行軍總管左武衛將軍薛仁貴左監門衛將軍李謹行爲後援
七月乙丑徙封旭輪爲豫王庚午劉仁軌兼右相八月辛丑竇德
玄薨丁未殺始州刺史武惟良淄州刺史武懷運九月龐同善及

高麗戰敗之十二月己酉李勣為遼東道行臺大總管率六總管兵以伐高麗

二年正月丁丑以旱避正殿減膳慮因二月丁酉涪陵郡王愔薨辛丑禁工商乘馬六月乙卯西臺侍郎楊武戴至德東臺侍郎李安期司烈少常伯趙仁本同東西臺三品東臺舍人張文瓘參知政事七月己卯以旱避正殿減膳遣使慮因八月己丑朔日有食之辛亥李安期罷九月庚申以餌藥皇太子監國辛未李勣及高麗戰于新城敗之是歲嶺南洞獠陷瓊州

凡三年

總章元年正月壬子劉仁軌為遼東道副大總管兼安撫大使沮江道行軍總管二月丁巳皇太子釋奠于國學戊寅如九成宮壬午李勣敗高麗克扶餘南蘇木底蒼巖城三月庚寅大赦改元四月乙卯贈顏回太子少師曾參太子少保丙辰有彗星出于五車

楊武薨

避正殿減膳撤樂詔內外官言事庚申以太原元正西府功臣為二等第一功後官無五品者授其子若孫一人有至四品五品者加二階有三品以上加爵三等第二功後官無五品者授其子若孫從六品一人有至五品者加一階六品者二階五品以上爵一等辛巳楊武薨八月癸酉至自九成宮九月癸巳李勣敗高麗王高藏執之十二月丁巳俘高藏以獻丁卯有事于南郊甲戌姜恪檢校左相司平太常伯閣立本守右相

二年二月辛酉右肅機李敬玄為西臺侍郎張文瓘為東臺侍郎同東西臺三品三月丙戌東臺侍郎郝處俊同車西臺三品癸巳皇后親蠶四月己酉如九成宮六月戊申朔日有食之七月癸巳左衛大將軍契苾何力為烏海道行軍大總管以援吐谷渾九月庚寅括州海溢壬寅如岐州乙巳赦岐州賜高年粟帛十月丁巳

至自歧州十一月丁亥徙封旭輪為冀王改名輪十二月戊申李勣薨是冬無雪

咸亨元年正月丁丑劉仁軌罷二月戊申慮囚丁巳東南有聲若雷三月甲戌大赦改元壬辰許敬宗罷四月癸卯吐蕃陷龜茲撥換城廢安西四鎮已酉李敬玄罷辛亥右威衛十將軍薛仁貴為邏娑道行軍大總管以伐吐蕃庚午加九成宮雍州大雨雹高麗酋長鉗牟岑叛寇邊左監門衛人將軍高侃為東州道行軍總管右領軍衛大將軍李謹行為燕山道行軍總管以伐之六月壬寅朔日有食之七月甲戌以雍華蒲同四州旱遣使慮囚減中御諸廩馬戊子李敬玄起復薛仁貴及吐蕃戰于大非川敗績八月庚戌以穀貴禁酒丁巳至自九成宮甲子趙王福薨丙寅以旱避正殿減膳九月丁丑給復雍華同歧邠隴六州二年閏月癸卯皇后以

早請避位甲寅姜恪為涼州道行軍大總管以伐吐蕃十月庚辰詔文武官言事乙未趙仁本罷十二月庚寅復官名是歲大饑二年正月乙巳如東都皇太子監國二月辛未遣使存問諸州四月戊子大風雨雪六月癸巳以旱慮囚九月地震丙申徐王元禮薨十月丙子求明禮樂之士十一月甲午朔日有食之庚戌如許州遣使存問所過疾老鰥寡慮囚十二月癸酉獵于昆陽丙戌如東都是歲姜恪為侍中開立本為中書令三年正月辛丑姚州蠻寇遣太子右衛副率梁積壽為姚州道行軍總管以伐之二月己卯姜恪薨四月壬申校旗洛水之陰九月癸卯徙封賢為雍王十月己未皇太子監國十一月戊子朔日有食之甲辰至自東都十二月金紫光祿大夫致仕劉仁軌為太子左庶子同中書門下三品

四年正月丙辰鄭王元懿薨四月丙子如九成宮五月丁卯禁
 作鑿捕魚管罔取獸者八月辛丑以不豫詔皇太子聽諸司啓事
 巴西大風落太廟鴟尾十月壬午閣立本薨乙未以皇太子納妃
 赦岐州賜酺三日乙巳至自九成宮
 上元元年二月壬午劉仁軌為雞林道行軍大總管以伐新羅三
 月辛亥朔日有食之巳巳皇后親蠶八月壬辰皇帝稱天皇皇后
 稱天后追尊六代祖宣簡公為宣皇帝妣張氏曰宣莊皇后五代
 祖懿王為光皇帝妣賈氏曰光懿皇后增高祖太宗及后諡大赦
 改元賜酺三日十一月丙午如東都已酉獵于華山曲武原十二
 月癸未蔣王暉自殺
 二年正月巳未給復雍同華岐隴五州一年辛未吐蕃請和二日
 劉仁軌及新羅戰于七重城敗之三月丁巳天后親蠶四月辛巳

天后殺周王顯妃趙氏丙戌以旱避正殿減膳撤樂詔百官言事
 巳亥天后殺皇太子五月戊申追號皇太子為孝敬皇帝六月戊
 寅立雍王賢為皇太子大赦七月辛亥杞王上金免官削封邑八
 月庚寅葬孝敬皇帝于恭陵丁酉詔婦人為宮官者歲一見其親
 庚子張文瓘為侍中郝處俊為中書令劉仁軌為尚書左僕射戴
 至德為右僕射十月庚辰雍州雨雹壬午有彗星出于角亢
 儀鳳元年正月壬戌徙封輪為相王丁卯納州獠寇邊二月丁亥
 如汝州溫湯遣使慮免汝州經繫三月癸卯黃門侍郎來恒中書
 侍郎薛元超同中書門下三品甲辰如東都免汝州今歲半租賜
 民八十以上帛閏月巳巳吐蕃寇鄯州河芳四州左監門衛中郎
 將令狐智通伐之乙酉周王顯為洮河道行軍元帥領左衛大將
 軍劉審禮等十二總管相王輪為涼州道行軍元帥領契苾何力

等軍以伐吐蕃四月戊申至自東都甲寅中書侍郎李義琰同中書門下三品戊午如九成宮六月癸亥黃門侍郎高智周同中書門下三品七月丁亥有彗星出于東井乙未吐蕃寇疊州八月庚子避正殿減膳撤樂損食粟馬慮因詔文武官言事甲子停南北中尚梨園作坊減少府雜匠是月青州海溢十月乙未至自九成宮丙午降封郇王素節鄆陽郡王十一月壬申大赦改元庚寅李敬玄為中書令十二月戊午來恒薛元起為河南河北道大使二年正月乙亥耕藉田庚辰京師地震四月太子左庶子張大安同中書門下三品五月吐蕃寇扶州八月辛亥劉仁軌為洮河軍鎮守使十月壬辰徙封顯為英王更名哲十二月乙卯募關內河東猛士以伐吐蕃是歲西突厥及吐蕃寇安西冬無雪三年正月丙子李敬玄為洮河道行軍大總管以伐吐蕃癸未遣

張文瓘薨

凡一年
戴至德薨

使募河南河北猛士以伐吐蕃四月丁亥以旱避正殿慮囚戊申大赦改明年為通乾元年癸丑涇州民生子異體連心五月壬戌如九成宮大雨霖九月辛酉至自九成宮癸亥張文瓘薨丙寅李敬玄劉審禮及吐蕃戰于青海敗績審禮死之十月丙申停劔南隴右歲貢丙午密王元曉薨閏十一月丙申雨木冰壬子來恒薨十二月癸丑罷通乾號調露元年正月戊子如東都庚戌戴至德薨四月辛酉郝處俊為侍中五月丙戌皇太子監國戊戌作紫桂宮六月辛亥大赦改元吏部侍郎裴行儉伐西突厥九月壬午行儉敗西突厥執其可汗都支十月突厥溫傳奉職二部寇邊單于大都護府長史蕭嗣業伐之十一月戊寅高智周罷甲辰禮部尚書裴行儉為定襄道行軍大總管以伐突厥

永隆元年二月癸丑如汝州溫湯丁巳如少室山乙丑如東都三月裴行儉及突厥戰于黑山敗之四月乙丑如紫桂宮戊辰黃門侍郎裴炎崔知溫中書侍郎王德真同中書門下三品五月丁酉太白經天七月巳卯吐蕃寇河源辛巳李敬玄及吐蕃戰于湟川敗績左武衛將軍黑齒常之為河源軍經略大使丙申江王元祥薨突厥寇雲州都督竇懷哲敗之八月丁未如東都丁巳貶李敬玄為衡州刺史甲子廢皇太子為庶人乙丑立英王哲為皇太子大赦改元賜酺三日巳巳貶張大安為普州刺史九月甲申王德真罷十月壬寅降封曹王明為零陵郡王戊辰至自東都十一月壬申朔日有食之

開耀元年正月乙亥突厥寇原慶二州辛巳賜京官九品以上酺三日癸巳裴行儉為定襄道行軍大總管以伐突厥巳亥滅殿中太僕馬省諸方貢獻免雍岐華同四州二歲租河南河北一年調二月丙午皇太子釋奠于國學三月辛卯郝處俊罷五月乙酉常州人劉龍子謀反伏誅丙戌定襄道副總管曹懷舜及突厥戰于橫水敗績巳丑黑齒常之及吐蕃戰于良非川敗之六月壬子永嘉郡王暉有罪伏誅七月巳丑以太平公主下嫁赦京師甲午劉仁軌罷左僕射閏月丁未裴炎為侍中崔知溫薛元超守中書令庚戌以餌藥皇太子監國庚申裴行儉及突厥戰敗之八月丁卯以河南河北大水遣使賑乏絕室廬壞者給復一年溺死者贈物人三段九月丙申有彗星出于天市壬戌裴行儉俘突厥溫傳可汗阿史那伏念以獻乙丑改元赦定襄軍及諸道緣征官吏兵募十月丙寅朔日有食之十一月癸卯徙庶人賢于巴州永淳元年二月癸未以孫重照生滿月大赦改元賜酺三日是月

凡年
崔知溫薨

突厥車每咽麪寇邊三月戊午立重照為皇太孫四月甲子朔日
有食之內寅如東都皇太子監國辛未裴行儉為金牙道行軍大
總管率三總管兵以伐突厥安西副都護王方翼及車薄咽麪戰
于熱海敗之丁亥黃門侍郎郭待舉兵部侍郎岑長倩祕書員外
少監郭正一吏部侍郎魏玄同與中書門下同承受進止平章事
五月乙卯洛水溢六月甲子突厥骨咄祿寇邊嵐州刺史王德茂
死之是月大蝗人相食七月作萬泉宮己亥作奉天宮庚申零陵
郡王明自殺九月吐蕃寇柘州驍衛郎將李孝逸伐之十月甲子
京師地震丙寅黃門侍郎劉齊賢同中書門下平章事
弘道元年正月甲午幸奉天宮二月庚午突厥寇定州刺史霍王
元軌敗之三月庚寅突厥寇單于都護府司馬張行師死之庚子
李義琰罷丙午有彗星出于五車癸丑崔知溫薨四月己未如東

都壬申郭待舉郭正一同中書門下平章事甲申綏州部落稽白
鐵余寇邊右武衛將軍程務挺敗之五月乙巳突厥寇蔚州刺史
李思儉死之七月甲辰徙封輪為豫王改名且薛元超罷八月乙
丑皇太子朝于東都皇太孫留守京師丁卯滹沱溢己巳河溢壞
河陽城九月己丑以太平公主子生赦東都十月癸亥幸奉天宮
十一月戊戌右武衛將軍程務挺為單于道安撫大使以伐突厥
辛丑皇太子監國丁未如東都戊申裴炎劉齊賢郭正一兼于東
宮平章事十二月丁巳改元大赦是夕皇帝崩于貞觀殿年五十
六諡曰天皇大帝天寶八載改諡天皇大聖皇帝十三載增諡天
皇大聖大弘孝皇帝

贊曰小雅曰赫赫宗周褒姒滅之此周幽王之詩也是時幽王雖
亡而太子宜臼立是為平王而詩人乃言滅之者以為文武之業

于是蕩盡東周雖在不能復興矣其曰滅者甚疾之之辭也武氏之亂唐之宗室戕殺殆盡其賢士大夫不免者十八九以太宗之治其遺德餘烈在人者未遠而幾于遂絕其爲惡豈一褒姒之比耶以太宗之明昧于知子廢立之際不能自決卒用昏童高宗溺愛衽席不戒履霜之漸而毒流天下貽禍邦家嗚呼父子夫婦之間可謂難哉可不慎哉

本紀第四

武氏亂而附

唐書四

永徽六年

則天順聖皇后武氏諱嬰并州文水人也父士護官至工部尚書荊州都督封應國公后年十四太宗聞其有色選爲才人太宗崩后削髮爲比丘尼居于感業寺高宗幸感業寺見而悅之復召入宮久之立爲昭儀進號宸妃永徽六年高宗廢皇后王氏立宸妃爲皇后高宗自顯慶後多苦風疾百司奏事時時令后決之常稱旨由是參豫國政后既專寵與政乃數上書言天下利害務收人心而高宗春秋高苦疾后益用事遂不能制高宗悔陰欲廢之而謀洩不果上元元年高宗號天皇皇后亦號天后天下之人謂之二聖弘道元年十二月高宗崩遺詔皇太子卽皇帝位軍國大務不決者兼取天后進止甲子皇太子卽皇帝位尊后爲皇太后臨朝稱制大赦賜九品以下勳官一級庚午韓王元嘉爲太尉霍王

上元年

弘道元年

皇太子諱顯中宗也

睿宗之年也
凡年
廢宗立睿宗
豫王且睿宗也

元軌為司徒舒王元名為司空甲戌劉仁軌為尚書左僕射裴炎為中書令劉齊賢為侍中同中書門下三品戊寅郭待舉魏玄同岑長倩同中書門下三品癸未郭正一罷

光宅元年正月癸未改元嗣聖癸巳左散騎常侍韋弘敏為太府卿同中書門下三品二月戊午廢皇帝為廬陵王幽之己未立豫王且為皇帝妃劉氏為皇后立永平郡王成器為皇太子大赦改元為文明賜文武官五品以上爵一等九品以上勳兩轉老人版授官賜粟帛職官五品以上舉所知一人皇太后仍臨朝稱制庚申廢皇太孫重照為庶人殺庶人賢于巴州甲子皇帝率群臣上尊號于武成殿丁卯冊皇帝丁丑太常卿王德真為侍中中書侍郎劉禕之同中書門下三品庚辰贈玉清觀道士太中大夫王遠知金紫光祿大夫三月丁亥徙封上金為畢王素節葛王四月丁

巳滕王元嬰薨辛酉徙封上金為澤王素節許王癸酉遷廬陵王于房州丁丑又遷于均州五月癸巳以大喪禁射獵閏月甲子禮部尚書武承嗣為太常卿同中書門下三品七月戊午廣州崑崙殺其都督路元叟乙丑突厥寇朔州左武衛大將軍程務挺敗之辛未有彗星出于西方八月庚寅葬天皇大帝于乾陵丙午武承嗣罷九月甲寅大赦改元旗幟尚白易內外官服青者以碧大易官名改東都為神都追尊老子母為先天太后丙辰左威衛大將軍程務挺為單于道安撫大使以備突厥己巳追尊武氏五代祖克己為魯國公妣裴氏為魯國夫人高祖居常為太尉北平郡王妣劉氏為王妃曾祖儉為太尉金城郡王妣宋氏為王妃祖華為太尉太原郡王妣趙氏為王妃考士護為太師魏王妣楊氏為王妃丁丑柳州司馬李敬業舉兵于揚州以討亂貶韋弘敏為汾州

刺史十月癸未楚州司馬李崇福以山陽安宜鹽城三縣歸于敬業甲申左玉鈐衛大將軍梁郡公季逸為揚州道行軍大總管左金吾衛大將軍李知十為副率兵三十萬以拒李敬業丁亥左肅政臺御史大夫騫味道檢校內史同鳳閣臺三品鳳閣舍人李景諶同鳳閣鸞臺平章事壬辰李敬業克泗州丙申殺裴炎追諡五代祖魯國公曰靖高祖北平郡王曰恭肅曾祖金城郡王曰義康祖太原郡王曰安成考魏王曰忠孝丁酉由赦揚楚二州復敬業姓徐氏貶劉齊賢為辰州刺史李景諶罷右史沈君諒著作郎崔譽為正諫大夫同鳳閣鸞臺平章事十一月辛亥左鷹揚衛大將軍黑齒常之為江南道行軍大總管庚申右監門衛將軍蘇季祥及徐敬業戰于阿谿死之乙丑徐敬業將王那相殺敬業降丁卯郭待舉罷鸞臺侍郎韋方質為鳳閣侍郎同鳳閣鸞臺平章事

凡四年

十二月戊子遣御史察風俗癸卯殺程務挺
垂拱元年正月丁未大赦改元庚戌騫味道守內史戊辰劉仁軌薨二月乙巳春官尚書武承嗣秋官尚書裴居道右肅政臺御史大夫韋思謙同鳳閣鸞臺三品突厥寇邊左玉鈐衛中郎將淳于處平為陽曲道行軍總管以擊之沈君諒罷三月崔譽罷丙辰遷廬陵王于房州辛酉武承嗣罷辛未頒垂拱格四月丙子貶騫味道為青州刺史癸未淳于處平及突厥戰于忻州敗績五月丙午裴居道為納言封皇帝子成義為恒王壬戌以旱慮囚壬申韋方質同鳳閣鸞臺三品六月天官尚書韋待價同鳳閣鸞臺三品九月丁卯揚州地生毛十一月癸卯韋待價為燕然道行軍大總管以擊突厥
二年正月辛酉大赦賜酺三日內外官勳一轉二月辛未朔日有

蝕之三月戊申作銅匱四月庚辰岑長倩爲內史五月丙午裴居道爲內史六月辛未蘇良嗣同鳳閣鸞臺三品己卯韋思謙守納言十月己巳有山出于新豐縣改新豐爲慶山赦囚給復一年賜酺三日十二月免并州百姓庸調終其身是冬無雪

三年閏正月丁卯封皇帝子隆基爲楚王隆範衛王隆業趙王二月己亥以旱避正殿減膳丙辰突厥寇昌平黑齒常之擊之三月乙丑韋思謙罷四月辛丑追號孝敬皇帝妃裴氏曰哀皇后葬于恭陵癸丑以旱慮囚命京官九品以上言事壬戌裴居道爲納言五月丙寅夏官侍郎張光輔爲鳳閣侍郎同鳳閣鸞臺平章事庚午殺劉禕之七月丁卯冀州雌雞化爲雄乙亥京師地震雨金子廣州八月壬子魏玄同兼檢校納言交趾人李嗣仙殺安南都護劉延祐據交州桂州司馬曹玄靜敗之是月突厥寇朔州燕然道

行軍大總管黑齒常之敗之九月己卯虢州人楊初成自稱郎將募州人迎廬陵王于房州不果見殺十月庚子右監門衛中郎將曩寶璧及突厥戰敗績十二月壬辰韋待價爲安息道行軍大總管安西大都護閻溫古副之以擊吐蕃是歲大饑

四年正月甲子增七廟立高祖太宗高宗廟于神都庚午毀乾元殿作明堂三月壬戌殺麟臺少監周思茂四月戊戌殺太子通事舍人郝象賢五月庚申得寶圖于洛水乙亥加尊號爲聖母神皇六月丁亥朔日有食之得瑞石于汜水七月丁巳大赦改寶圖爲天授聖圖洛水爲永昌洛水封其神爲顯聖侯加特進禁漁釣改嵩山爲神岳封其神爲天中王太師使持節大都督賜酺五日戊午京師地震八月戊戌神都地震丙午博州刺史琅邪郡王冲舉兵以討亂遣左金吾衛大將軍丘神勣拒之戊申冲死之庚戌越

王貞舉兵于豫州以討亂辛亥曲赦博州九月丙辰左豹韜衛大將軍翹崇裕為中軍大總管岑長倩為後軍大總管以拒越王貞張光輔為諸軍節度削越王貞及琅邪郡王冲屬籍改其姓為虺氏貞死之丙寅赦豫州殺韓王元嘉魯王靈夔范陽郡王靄黃國公譔東莞郡公融及常樂公主皆改其姓為虺氏丁卯左肅政臺御史大夫騫味道夏官侍郎王本立同鳳閣鸞臺平章事十月辛亥大風拔木十一月辛酉殺濟州刺史薛顓及其弟駙馬都尉紹十二月乙酉殺霍王元軌江都郡王緒及殿中監裴承光大殺唐宗室流其幼者于嶺南己亥殺騫味道己酉拜洛受圖辛亥改明堂為萬象神宮大赦

凡二年

永昌元年正月乙卯享于萬象神宮大赦改元賜酺七日丁巳舒王元名為司徒戊午布政丁萬象神宮頒九條以訓百官己未朗

州雌雞化為雄二月丁酉尊考太師魏忠孝王曰周忠孝太皇置崇先府官戊戌追諡妣楊氏曰周忠孝太后太原郡王曰周安成王妃趙氏為王妃金城郡王曰魏義康王妃宋氏為王妃北平郡王曰趙肅恭王妃劉氏為王妃五代祖魯國公曰太原靖王夫人裴氏為王妃三月甲子張光輔守納言癸酉天官尚書武承嗣為納言張光輔守內史四月甲辰殺汝南郡王瑋鄴陽郡公謹廣漢郡公謚汶山郡公綦零陵郡王俊廣都郡公壽徙其家于嵩州己酉殺天官侍郎鄧玄挺五月丙辰韋待價及吐蕃戰于寅識迦河敗績己巳白馬寺僧薛懷義為新平道行軍大總管以擊突厥七月丁巳流紀王慎于巴州改其姓為虺氏丙子流韋待價于繡州殺閻溫古戊寅王本立同鳳閣鸞臺三品八月癸未薛懷義為新平道中軍大總管以擊突厥甲申殺張光輔洛州司馬弓嗣業洛

則本年年也
凡三年

陽令弓嗣明陝州參軍弓嗣古流人徐敬真乙未松州雌雞化為
雄辛丑殺陝州刺史郭正一下未殺相州刺史弓志元蒲州刺史
弓彭祖尚方監王令基九月庚戌殺恒山郡王丞乾之子厥閏月
甲午殺魏玄同夏官侍郎崔譽戊申殺彭州長史劉易從十月癸
丑殺涼州都督李光誼丁巳殺陝州刺史劉延景戊午殺右武威
衛大將軍黑齒常之右鷹揚衛將軍趙懷節己未殺嗣鄭王璵丁
卯春官尚書范履冰鳳閣侍郎邢文偉同鳳閣鸞臺平章事
天授元年正月庚辰大赦改元曰載初以十一月為正月十二月
為臘月來歲正月為一月以周漢之後為二王後封舜禹湯之裔
為三恪周隋同列國封其嗣乙未除唐宗室屬籍臘月丙寅殺劉
齊賢一月戊子王本立罷邢文偉為內史岑長倩武承嗣同鳳閣
鸞臺三品鳳閣侍郎武攸寧為納言甲午流韋方質于儋州二月

丁卯殺地官尚書王本立三月乙酉以旱減膳丁亥蘇良嗣薨五
月戊子殺范履冰己亥殺梁郡公季逸六月戊申殺汴州刺史柳
明肅七月辛巳流舒王元名于和州頒大雲經于天下壬午殺豫
章郡王亶丁亥殺澤王上金許王素節甲午赦永昌縣癸卯殺太
常丞蘇踐言八月辛亥殺許王素節之子璟曾江縣令白令言甲
寅殺裴居道壬戌殺將軍阿史那惠右司郎中喬知之癸亥殺尚
書右丞張行廉太州刺史杜儒童甲子殺流人張楚金戊辰殺流
人元萬頃苗神客辛未殺南安郡王穎邨國公昭及諸宗室李直
李敞李然李勳李策李越李黯李玄李英李志業李知言李玄貞
九月乙亥殺鉅鹿郡公晃麟臺郎裴望及其弟司膳丞璉壬午改
國號周大赦改元賜酺七日乙酉加尊號曰聖神皇帝降皇帝為
皇嗣賜姓武氏皇太子為皇孫丙戌立武氏七廟于神都追尊周

后稱尊號降睿
宗之帝號國號周

文王曰始祖文皇帝妣妣氏曰文定皇后四十代祖平王少子武
曰睿祖康皇帝妣姜氏曰康惠皇后太原靖王曰嚴祖成皇帝妣
曰成莊皇后趙肅恭王曰肅祖章敬皇帝妣曰章敬皇后魏義康
王曰烈祖昭安皇帝妣曰昭安皇后周安成王曰顯祖文穆皇帝
妣曰文穆皇后忠孝太皇曰太祖孝明高皇帝妣曰孝明高皇后
追封伯父及兄弟之子為王堂兄為郡王諸姑姊為長公主堂姊
妹為郡主司賓卿史務滋守納言鳳閣侍郎宗秦客檢校內史給
事中傅游藝為鸞臺侍郎同鳳閣鸞臺平章事十月丁巳給復并
州武興縣百姓子孫相承如漢豐沛甲子貶宗秦客為遵化尉丁
卯殺流人韋方質巳巳殺許王素節之子瑛琪瓊瓚瑒琛唐臣
辛未貶邢文偉為珍州刺史置大雲寺封周公為褒德王孔子為
隆道公改唐太廟為享德廟以武氏七廟為太廟

二年一月甲戌改置社稷旗幟尚赤戊寅殺雅州刺史劉行實及
其弟源州刺史行瑜尚衣奉御行感兄子左鷹揚衛將軍虔通戊
子武承嗣為文昌左相庚寅賜醢乙未殺丘神勣左豹韜衛將軍
衛蒲山庚子殺史務滋臘月巳未始用周臘四月壬寅朔日有蝕
之丙午大赦五月丁亥大風折木岑長倩為武威道行軍大總管
以擊吐蕃六月庚戌左肅政臺御史大夫格輔元為地官尚書鸞
臺侍郎樂思晦鳳閣侍郎任知古同鳳閣鸞臺平章事七月庚午
徙關內七州戶以實神都八月戊申武攸寧罷夏官尚書歐陽通
為司禮卿兼判納言事庚申殺右玉鈐衛大將軍張虔勗九月乙
亥殺岐州刺史雲弘嗣壬辰殺傅游藝癸巳左羽林衛大將軍武
攸寧守納言冬官侍郎裴行本洛州司馬狄仁傑為地官侍郎同
鳳閣鸞臺平章事十月巳酉殺岑長倩歐陽通格輔元壬戌殺樂

思晦左衛將軍李安靜

長壽元年一月戊辰夏官尚書楊執柔同鳳閣鸞臺平章事庚午
貶任知古為江夏令狄仁傑彭澤令流裴行本于嶺南乙亥殺右
衛大將軍泉獻誠庚辰司刑卿李遊道為冬官尚書同鳳閣鸞臺
平章事二月戊午秋官尚書袁智弘同鳳閣鸞臺平章事四月丙
申朔日有食之大赦改元如意五月洛水溢七月又溢八月甲戌
河溢壞河陽縣戊寅武承嗣武攸寧楊執柔罷秋官侍郎崔元綜
為鸞臺侍郎夏官侍郎李昭德為鳳閣侍郎權檢校天官侍郎姚
壽為文昌左丞檢校地官侍郎李元素為文昌右丞營繕大匠王
璿為夏官尚書司賓卿崔神基同鳳閣鸞臺平章事九月戊戌大
霧庚子大赦改元改用九月社賜酺七日癸卯以并州為北都癸
丑流李遊道袁智弘王璿崔神基李元素于嶺南十月丙戌武威

道行軍總管王季傑敗吐蕃克四鎮

二年臘月癸亥殺皇嗣妃劉氏德妃竇氏丁卯降封皇孫成器為
壽春郡王恒王成義衡陽郡王楚王隆基臨淄郡王衛王隆範巴
陵郡王趙王隆業彭城郡王一月庚子夏官侍郎婁師德同鳳閣
鸞臺平章事甲寅殺尚方監裴匪躬丙常侍范雲仙三月己卯殺
左衛員外大將軍阿史那元慶白潤府果毅薛大信五月乙未殺
冬官尚書蘇幹相州刺史來同敏癸丑河溢棣州九月丁亥朔日
有蝕之乙未加號金輪聖神皇帝大赦賜酺七日作七寶庚子追
尊烈祖昭安皇帝曰渾元昭安皇帝顯祖文穆皇帝曰立極文穆
皇帝太祖孝明高祖皇帝曰無上孝明高皇帝辛丑姚璿罷文昌
右丞韋巨源同鳳閣鸞臺平章事秋官侍郎陸元方為鸞臺侍郎
同鳳閣鸞臺平章事司賓卿豆盧欽望守內史

延載元年臘月甲戌突厥默啜寇靈州右鷹揚衛大將軍李多祚
敗之一月甲午婁師德為河源積石懷遠等軍管田大使二月庚
午薛懷義為伐逆道行軍大總管領十八將軍以擊默啜乙亥以
早慮囚已卯武威道大總管王孝傑及吐蕃戰于冷泉敗之三月
甲申鳳閣舍人蘇味道為鳳閣侍郎同鳳閣鸞臺平章事李昭德
檢校內史薛懷義為朔方道行軍大總管擊默啜昭德為朔方道
行軍長史味道為司馬四月壬戌常州地震五月甲午加號越古
金輪聖神皇帝大赦改元賜酺七日七月癸未嵩嶽山人武什方
為正諫大夫同鳳閣鸞臺平章事八月什方罷戊辰王孝傑為瀚
海道行軍總管已巳司賓少卿姚璿守納言左肅政臺御史大夫
楊再思為鸞臺侍郎洛州司馬杜景佺檢校鳳閣侍郎同鳳閣鸞
臺平章事戊寅流崔元綜于振州九月壬午朔日有蝕之壬寅此

李昭德為南賓尉十月壬申文昌右丞李元素為鳳閣侍郎右肅
政臺御史中丞周允元檢校鳳閣侍郎同鳳閣鸞臺平章事嶺南
獠寇邊容州都督張玄遇為桂永等州經略大使癸酉雨木冰
天冊萬歲元年一月辛巳加號慈氏越古金輪聖神皇帝改元證
聖大赦賜酺三日戊子貶豆盧欽望為趙州刺史韋巨源鄜州刺
史杜景佺溱州刺史蘇味道集州刺史陸元方綏州刺史丙申萬
象神宮火丙午王孝傑為朔方行軍總管以擊突厥二月巳酉朔
日有蝕之壬子殺薛懷義甲子罷慈氏越古號三月丙辰周允元
薨四月戊寅建大周萬國頌德天樞七月辛酉吐蕃寇臨洮王孝
傑為肅邊道行軍大總管以擊之九月甲寅祀南郊加號天冊金
輪大聖皇帝大赦改元賜酺九日以崇先廟為崇尊號
萬歲通天元年臘月甲戌如神岳甲申封于神岳改元曰萬歲登

封大赦免今歲租稅賜酺十日丁亥禪于少室山己丑給復洛州
二年登封告成縣三年癸巳復于神都一月甲寅婁師德為肅邊
道行軍副總管以擊吐蕃己巳改崇尊廟為太廟二月辛巳尊神
岳天中王為神岳天中黃帝天靈妃為天中黃后三月壬寅王季
傑婁師德及吐蕃戰于素羅汗山敗績丁巳復作明堂改曰通天
宮大赦改元賜酺七日四月癸酉檢校夏官侍郎孫元亨同鳳閣
鸞臺平章事庚子貶婁師德為原州都督府司馬五月壬子契丹
首領松漠都督李盡忠歸誠州刺史孫萬榮陷營州殺都督趙文
颺乙丑左鷹揚衛將軍曹仁師右金吾衛大將軍張玄遇左威衛
大將軍李多祚司農少卿麻仁節等擊之七月辛亥春官尚書武
三思為榆關道安撫大使納言姚璿為副以備契丹八月丁酉張
玄遇曹仁師麻仁節等及契丹戰于黃鵬谷敗績執玄遇仁節九

月庚子同州刺史武攸宜為清邊道行軍大總管以擊契丹丁巳
吐蕃寇涼州都督許欽明死之庚申并州長史王方慶為鸞臺侍
郎殿中監李道廣同鳳閣鸞臺平章事十月辛卯契丹寇冀州刺
史陸寶積死之甲午慮囚

凡年

神功元年正月壬戌殺李元素孫元亨洛州錄事參軍綦連耀箕
州刺史劉思禮知天官侍郎事石抱忠劉奇給事中周譚鳳閣舍
人王勳前涇州刺史王勔太子司議郎路敬淳司門員外郎劉順
之右司員外郎宇文全志來庭縣主簿柳璆癸亥突厥默啜寇勝
州平狄軍副使安道買敗之甲子婁師德守鳳閣侍郎同鳳閣鸞
臺平章事一月乙巳慮囚三月庚子王季傑及孫萬斬戰于東碶
石谷敗績季傑死之戊申赦河南北四月戊辰置九鼎于通天宮
癸酉前益州大都督府長史王及善為內史癸未右金吾衛大將

唐書四
軍武懿宗為神兵道行軍大總管及右豹韜衛將軍何迦密以擊契丹五月癸卯婁師德為清邊道行軍副大總管右武衛將軍沙吒忠義為清邊中道前軍總管以擊契丹六月丁卯殺監察御史李昭德司僕少卿來俊臣已卯尚方少監宗楚客同鳳閣鸞臺平章事戊子特進武承嗣春官尚書武三思同鳳閣鸞臺三品辛卯婁師德安撫河北七月丁酉武承嗣武三思罷八月丙戌姚璿罷九月壬寅大赦改元賜酺七日庚戌婁師德守納言十月甲子給復徇忠立節二縣一年閏月甲寅檢校司刑卿幽州都督狄仁傑為鸞臺侍郎司刑卿杜景佺為鳳閣侍郎同鳳閣鸞臺平章事聖曆元年正月甲子大赦改元賜酺九日丙寅宗楚客罷丁亥李道廣罷三月己巳召廬陵王于房州戊子廬陵王至自房州四月庚寅赦神都及河北辛丑婁師德為隴右諸軍大使檢校河西營

田事五月庚午禁屠六月乙卯大風拔木七月辛未杜景佺罷八月突厥寇邊戊子左豹韜衛將軍閻知微降于突厥寇邊甲午上方慶罷庚子春官尚書武三思檢校內史狄仁傑兼納言司屬卿武重規為天兵中道大總管沙吒忠義為天兵西道前軍總管幽州都督張仁亶為天兵東道總管左羽林衛大將軍李多祚右羽林衛大將軍閻敬容為天兵西道後軍總管以擊突厥癸丑突厥寇蔚州乙卯寇定州刺史孫彥高死之九月甲子夏官尚書武攸寧同鳳閣鸞臺三品戊辰突厥寇趙州長史唐波若降于突厥刺史高叡死之突厥寇相州沙吒忠義為河北道前軍總管將軍陽基副之李多祚為後軍總管大將軍富福信為奇兵總管以禦之壬申立廬陵王顯為皇太子大赦賜酺五日甲戌皇太子為河北道行軍元帥以擊突厥戊寅狄仁傑為河北道行軍副元帥檢校

納言辛巳試天官侍郎蘇味道為鳳閣侍郎同鳳閣鸞臺平章事
十月癸卯狄仁傑為河北道安撫大使夏官侍郎姚元崇麟臺少
監李嶠同鳳閣鸞臺平章事族閭知微
二年正月壬戌封皇嗣且為相王臘月戊子左肅政臺御史中丞
吉頊為天官侍郎檢校右肅政臺御史中丞魏元忠為鳳閣侍郎
同鳳閣鸞臺平章事辛亥賜皇太子姓武氏大赦一月庚申武攸
寧罷二月己丑如緱氏辛卯如嵩陽丁酉復于神都三月甲戌以
隋唐為二王後婁師德為納言四月壬辰魏元忠檢校并州大都
督府長史天兵軍大總管婁師德副之以備突厥辛丑婁師德為
隴右諸軍大使甲辰憲囚七月丙辰神都大雨洛水溢八月庚子
王及善為文昌左相同鳳閣鸞臺平章事太子宫尹豆盧欽望為
文昌右相同鳳閣鸞臺三品楊再思罷丁未試天官侍郎陸元方

為鸞臺侍郎同鳳閣鸞臺平章事婁師德薨戊申武三思為內史
九月乙亥如福昌縣曲赦戊寅復于神都庚辰王及善薨是秋黃
河溢十月丁亥吐蕃首領贊婆來

凡年

久視元年正月戊午貶吉頊為琰川尉壬申武三思罷臘月辛巳
封皇太子之子重潤為邵王庚寅陸元方罷司禮卿阿史那斛瑟
羅為平西軍大總管丁酉狄仁傑為內史庚子文昌左相韋巨源
為納言乙巳如嵩山一月丁卯如汝州溫湯戊寅復于神都作三
陽宮二月乙未豆盧欽望罷三月癸丑夏官尚書唐奉一為天兵
中軍大總管以備突厥四月戊申如三陽宮五月己酉朔日有蝕
之癸丑大赦改元罷天冊金輪大聖號賜酺五日給復告成縣一
年閏七月戊寅復于神都己丑天官侍郎張錫為鳳閣侍郎同鳳
閣鸞臺平章事李嶠罷丁酉吐蕃寇涼州隴右諸軍州大使唐休

環敗之于洪源谷八月庚戌魏元忠為隴右諸軍州大總管以擊
 吐蕃庚申斂天下僧錢作大像九月辛丑狄仁傑薨十月辛亥魏
 元忠為蕭關道行軍大總管以備突厥甲寅復唐正月大赦丁巳
 韋巨源罷文昌右丞韋安石為鸞臺侍郎同鳳閣鸞臺平章事丁
 卯如新安隴澗山曲赦壬申復于神都十二月甲寅突厥寇隴右
 長安元年正月丁丑改元大足二月巳酉鸞臺侍郎李懷遠同鳳
 閣鸞臺平章事三月丙申流張錫于循州四月丙午大赦癸丑姚
 元崇檢校并州以北諸軍州兵馬五月乙亥如三陽宮丁丑魏元
 忠為靈武道行軍大總管以備突厥丙申天官侍郎顧琮同鳳閣
 鸞臺平章事六月庚申夏官侍郎李迥秀同鳳閣鸞臺平章事辛
 未赦告成縣七月甲戌復于神都乙亥揚楚常潤蘇五州地震壬
 午蘇味道按察幽平等州兵馬甲申李懷遠罷九月壬申殺邵王

重潤及永泰郡王王塔武延基十月壬寅如京師辛酉大赦改元
 給復關內二年賜酺三日丙寅魏元忠同鳳閣鸞臺三品十一月
 壬申武三思罷戊寅改舍元宮為大明宮
 二年正月突厥寇鹽州三月丙戌李迥秀安置山東軍馬檢校武
 騎兵庚寅突厥寇并州雍州長史薛季昶持節山東防禦大使以
 備之七月甲午突厥寇代州八月辛亥劔南六州地震九月乙丑
 朔日有蝕之壬申突厥寇忻州巳卯吐蕃請和十月甲辰顧琮薨
 戊申吐蕃寇悉州茂州都督陳大慈敗之甲寅姚元崇同鳳閣鸞
 臺平章事蘇味道韋安石李迥秀同鳳閣鸞臺三品十一月甲子
 相王旦為司徒戊子祀南郊大赦賜酺三日十二月甲午魏元忠
 為安東道安撫使
 三年三月壬戌朔日有蝕之四月庚子相王旦罷吐蕃來求婚乙

巳以旱避正殿閏月庚午成均祭酒李嶠同鳳閣鸞臺平章事巳
卯李嶠知納言事七月壬寅正諫大夫朱敬則同鳳閣鸞臺平章
事庚戌檢校涼州都督唐休璟為夏官尚書同鳳閣鸞臺平章事
八月乙酉京師大雨雹九月庚寅朔日有蝕之丁酉貶魏元忠為
尚要尉十月丙寅如神都十二月丙戌天下置關三十
四年正月丁未作興泰宮壬子天官侍郎韋嗣立為鳳閣侍郎同
鳳閣鸞臺三品二月癸亥貶李迥秀為廬州刺史壬申朱敬則罷
三月丁亥進封皇孫平恩郡王重福為譙王巳亥夏官侍郎宗楚
客同鳳閣鸞臺平章事貶蘇味道為坊州刺史四月壬戌韋安石
知納言事李嶠知內史事丙子如興泰宮赦壽安縣給復一年五
月丁亥大風拔木六月辛酉姚元之罷乙丑天官侍郎崔玄暉為
鸞臺侍郎同鳳閣鸞臺平章事丁丑李嶠同鳳閣鸞臺三品壬午

相王府長史姚元之兼知夏官尚書同鳳閣鸞臺三品七月丙戌
左肅政臺御史大夫楊再思守內史甲午復于神都貶宗楚客為
原州都督八月庚申唐休璟兼幽營二州都督安東都護九月壬
子姚元之為靈武道行軍大總管十月辛酉元之為靈武道安撫
大使甲戌判秋官侍郎張柬之同鳳閣鸞臺平章事壬子懷州長
史房融為正諫大夫同鳳閣鸞臺平章事十一月丁亥天官侍郎
韋承慶行鳳閣侍郎同鳳閣鸞臺平章事李嶠罷十二月丙辰韋
嗣立罷

五年正月壬午大赦庚寅禁屠癸卯張柬之崔玄暉及左羽林衛
將軍敬暉檢校左羽林衛將軍桓彥範司刑少卿袁恕巳左羽林
衛將軍李湛薛思行趙承恩右羽林衛將軍楊元琰左羽林衛大
將軍李多祚職方郎中崔泰之庫部員外郎朱敬則司刑評事冀

即中宗復位之神龍元
年也

中宗復于位

唐隆元年
景雲元年
延和元年
開元四年
天寶八載

神龍元年
凡二年

仲甫檢校司農少卿兼知總監翟世言內直郎王同皎率左右羽
林兵以討亂麟臺監張易之春官侍郎張昌宗汴州刺史張昌期
司禮少卿張同休通事舍人張景雄伏誅丙午皇帝復于位丁未
徙后于上陽宮戊申上后號曰則天大聖皇帝十一月崩諡曰大
聖則天皇后唐隆元年改為天后景雲元年改為大聖天后延和
元年改為天后聖帝未幾改為聖后開元四年改為則天皇后天
寶八載加諡則天順聖皇后

中宗太和大聖大昭孝皇帝諱顯高宗第七子也母曰則天順聖
皇后武氏高宗崩以皇太子即皇帝位而皇太后臨朝稱制嗣聖
元年正月廢居于均州又遷于房州聖曆二年復為皇太子太后
老且病神龍元年正月張柬之等以羽林兵討亂甲辰皇太子監
國大赦改元丙午復于位大赦賜文武官階爵民酺五日免今歲

復國號于唐

租賦給復房州三年放宮女三千人相王且為安國相王太尉同
鳳閣鸞臺三品庚戌張柬之袁恕已同鳳閣鸞臺三品崔玄暉守
內史敬暉為納言桓彥範守納言二月甲寅復國號唐貶韋承慶
為高要尉流房融于高州楊再思同中書門下三品姚元之罷甲
子皇后韋氏復于位大赦賜酺三日復宗室死于周者官爵丙寅
太子賓客武三思為司空同中書門下三品貶譙王重福為濮州
刺史丁卯右散騎常侍駙馬都尉武攸暨為司徒辛未安國相王
且罷甲戌太子少詹事祝欽明同中書門下三品韋安石罷進封
義興郡王重俊為衛王北海郡王重茂溫王丁丑武三思武攸暨
罷三月甲申詔文明後破家者昭洗之還其子孫蔭已丑袁恕已
守中書令四月辛亥桓彥範為侍中袁恕已為中書令丁卯高要
尉魏元忠為衛尉卿同中書門下平章事辛未敬暉為侍中甲戌

魏元忠崔玄暉刑部尚書韋安石爲吏部尚書太子右庶子李懷遠爲左散騎常侍涼州都督唐休璟爲輔國大將軍同中書門下三品乙亥張柬之爲中書令五月壬午遷武氏神主于崇恩廟乙酉立太廟社稷于東都戊子復周隋二王後壬辰進封凡成紀郡王千里爲成王甲午敬暉桓彥範張柬之袁恕已崔玄暉罷韋安石兼檢校中書令魏元忠兼侍中甲辰唐休璟爲尚書左僕射特進豆盧欽望爲尚書右僕射同中書門下三品六月壬子左驍衛大將軍裴思諒爲靈武道行軍大總管以備突厥癸亥韋安石爲中書令魏元忠爲侍中楊再思檢校中書令豆盧欽望平章軍國重事七月辛巳太子賓客韋巨源同中書門下三品甲辰洛水溢八月戊申給復河南洛陽二縣一年壬戌追冊妃趙氏爲皇后乙亥祔孝敬皇帝于東都太廟皇后見于廟丁丑幸洛城南門觀鬪

則天后崩

象九月壬午祀天地于明堂大赦賜文武官勳爵民爲父後者占爵一級醜三日癸巳韋巨源罷十月癸亥幸龍門乙丑獵于新安辛未魏元忠爲中書令楊再思爲侍中十一月戊寅上尊號曰應天皇帝皇后曰順天皇后壬午及皇后享于太廟大赦賜文武官階勳爵民醜三日巳丑幸洛城南門觀潑寒胡戲壬寅皇太后崩廢崇恩廟

二年正月戊戌吏部尚書李嶠同中書門下三品中書侍郎于惟謙同中書門下平章事閏月丙午公主開府置官屬二月乙未禮部尚書韋巨源爲刑部尚書同中書門下三品丙申遣十道巡察使三月甲辰韋安石罷戶部尚書蘇瓌守侍中戊申唐休璟罷庚戌殺光祿卿駙馬都尉王同皎是月置員外官四月巳丑李懷遠罷巳亥雨毛于鄧縣辛丑洛水溢五月庚申葬則天大聖皇后六

月戊寅貶敬暉為崖州司馬桓彥範瀧州司馬袁恕已賓州司馬
崔玄暉白州司馬張柬之新州司馬七月戊申立衛王重俊為皇
太子丙寅魏元忠為尚書右僕射兼中書令李嶠守中書令辛未
左散騎常侍致仕李懷遠同中書門下三品流敬暉于嘉州桓彥
範于瀘州袁恕已于環州崔玄暉于古州張柬之于瀧州八月丙
子貶祝欽明為申州刺史九月戊午李懷遠薨十月癸巳蘇瓌為
侍中戊戌至自東都十一月乙巳大赦賜行從官勳一轉十二月
巳卯靈武軍大總管沙吒忠義及突厥戰于鳴沙敗績丙戌以突
厥寇邊京師旱河北水減膳罷土木工蘇瓌存撫河北丙申魏元
忠為尚書左僕射

景龍元年正月丙辰以旱慮凶二月丙戌復武氏廟陵置令丞守
戶如昭陵甲午褒德廟榮先陵置令丞四月庚寅赦雍州五月戊

戌右屯衛大將軍張仁直為朔方道行軍大總管以備突厥丙午
假鴻臚卿臧思言使于突厥死之以旱避正殿減膳六月丁卯朔
日有食之庚午雨土于陝州戊子吐蕃及姚州蠻寇邊姚嵩道討
擊使唐九徵敗之七月辛丑皇太子以羽林于騎兵誅武三思不
克死之癸卯大赦壬戌李嶠為中書令八月丙戌上尊號曰應天
神龍皇帝皇后曰順天翊聖皇后魏元忠罷九月丁酉吏部侍郎
蕭至忠為黃門侍郎兵部尚書宗楚客左衛將軍兼太府卿紀處
訥同中書門下三品于惟謙罷庚子大赦改元賜文武官階勳爵
辛亥楊再思為中書令韋巨源紀處訥為侍中蘇瓌罷十月戊寅
殺習藝館內教蘇安恒壬午有彗星出于
有食之丁丑雨土

二年二月癸未有星隕于西南庚寅大赦進五品以上母妻封號

二等無妻者授其女婦人八十以上版授郡縣鄉君七月癸巳朔方道行軍大總管張仁寶同中書門下三品丁酉有星孛于胃昴十一月庚申西突厥寇邊御史中丞馮嘉賓使于突厥死之巳卯大赦賜酺三日癸未安西都護牛師獎及西突厥戰于火燒城死之是歲皇后妃王昭容賣官行墨敕斜封三年二月巳丑及皇后幸玄武門觀宮女拔河為宮市以嬉壬寅韋巨源為尚書左僕射楊再思為右僕射同中書門下三品壬子及皇后幸太常寺三月戊午宗楚客為中書令蕭至忠守侍中太府卿韋嗣立守兵部尚書同中書門下三品中書侍郎兼檢校吏部侍郎崔湜守兵部侍郎趙彥昭為中書侍郎同中書門下平章事戊寅禮部尚書韋溫為太子少保同中書門下三品太常少卿鄭愔守吏部侍郎同中書門下平章事五月丙戌貶崔湜為襄州

刺史鄭愔江州司馬六月癸巳太白晝見庚子以旱避正殿減膳撤樂詔括天下圖籍壬寅慮因癸卯楊再思薨七月丙辰西突厥娑葛降辛酉許婦人非緣夫子封者蔭其子孫癸亥慮因庚辰澧水溢八月乙酉李嶠同中書門下三品特進韋安石為侍中壬辰有星孛于紫宮九月戊辰吏部尚書蘇瓌為尚書左僕射同中書門下三品十一月乙丑有事于南郊以皇后為亞獻大赦賜文武官階爵入品者減考免關內今歲賦賜酺三日甲戌豆盧欽望薨十二月壬辰前宋國公致仕唐休璟為太子少師同中書門下三品甲午如新豐溫湯甲辰赦新豐給復一年賜從官勳一轉乙巳至自新豐

四年正月丙寅及皇后微行以觀燈遂幸蕭至忠第丁卯微行以觀燈幸韋安石長寧公主第巳卯如始平二月壬午赦咸陽始平

給復一年癸未至自始平庚戌及后妃公主視三品以上拔河三
月以河源九曲予吐蕃庚申雨木冰井溢五月辛酉封嗣虢王邕
為沐王丁卯殺許州司兵參軍燕欽融丁丑剡縣地震六月皇后
及安樂公主散騎常侍馬秦客及壬午皇帝崩年五十五謚曰孝
和皇帝天寶十三年加謚大和大聖人昭孝皇帝
贊曰昔者孔子作春秋而亂臣賊子懼其 賦君篡國之主皆不
黜絕之豈以其盜而有之者莫大之罪也 不沒其實所以著其大
惡而不隱歟自司馬遷班固皆作高后紀 呂氏雖非篡漢而盜執
其國政遂不敢沒其實豈其得聖人之意 歟抑亦偶合于春秋之
法也唐之舊史因之列武后于本紀蓋其 所從來遠矣夫吉凶之
于人猶影響也而為善者得吉常多其不幸而罹于凶者有矣為
惡者未始不及于凶其幸而免者亦時有焉而小人之慮遂以為

天道難知為善未必福而為惡未必禍也武后之惡不及于大戮
所謂幸免者也至中宗幸氏則禍不旋踵矣然其親遭母后之難
而躬自蹈之所謂下愚之不移者歟

